

仰高詩稿



存春軒選本

禮記
禮記

辛卯季春

存春軒選本



邵亭詩稿目錄

卷一

古今體詩一百七十四首

卷二

古今體詩一百八十三首

邵亭詩稿目錄

邵亭詩稿卷一

慶州金永爵德安

鑑影池亭

丁丑

郭外携壺至晚青名堂閒士家傍簷松籟入隔岸柳陰
斜山氣晴排闥溪痕晚記沙芳菲猶未盡滿院海棠
花

早春小雨

戊寅

輕雨池塘外霏微晚入聞江船明夜火杏館起幽雲
餘雪消將半遙峰濕不分試看鷺飛處春意已紛紛

小齋對雨

己卯

邵亭詩稿

卷一

寂寂苦無惊起步攬幽芳好風吹雨至茵閣生虛涼
前山洗已淨烟景正澹泊紅藥欲綻蘂綠筠始驚籜
曖曖迷遠樹濕霧紛未歇對此煩襟滌悠然道心發
汎覽漆園書細和栗里詩靜居樂清曠身安性亦怡
始覺昔不是求名苦形役長歌聊自慰槐陰倏已夕

春日長句

芳蹊春入成花洞林裏格格山鳥啣鳳子飛去蘭雲
擁綠烟如纒紅錦重筠樓靜護圖書供鵲尾古爐籠
腦凍彩毫忽落盤走汞銀槽斜壓酒鳴甕茶山更欲
修春貢紫餅截玉貼小鳳笑他年少事豪縱珊瑚鞭

拖朱絲鞵馳入青樓塵不動一飲千鍾嫌未痛金烏
玉兔迭相送世間虛名誠何用苜蓿席悟得松風夢已
覺斜陽下巖縫玉麈清話無人共臨風吹笛不成弄
瓶梅夜落夢仙居十二瑤徽度步虛曲篆凝香薰小
閣流鈴走雨響空除峰皴評點南宮畫波折鈔臨北
海書消受清閒堪自樂由來判與俗緣疎

次韻上婦翁成賁園先生

辛巳

萬物攝靜觀邱壑詠聊且天使窮易理豈止數年假
口常談聖人跡已混漁者門墻繼先業知足嗜欲寡
邵亭詩稿 卷一
曲肱傲軒冕遯世幾年也不意 聖明代賢人在草
野堯世隱巢由漢儲出綺夏猥蒙摠衣訓侍坐函丈
下警撕開茅塞性理辨操舍律呂諧鸞鳳河洛演龜
馬體道出爲詩颯颯響大雅寓目皆文字點化礫與
瓦唱和忘疲倦世累莫相惹

贈金生季良

壬午

嵩緣小帖眼俱青誰寫金沙塔院經最愛率更清且
勁硬黃新搨醴泉銘

夏夜

桐扇蕉衫滌暑蒸飛蟲無數撲風燈坐闌涼籟生簾

角夢覺清鍾到枕稜雨細只聞簷滴滴霧深纔辨樹
層層曉來山色渾如睡却被詩人喚不磨

菊品有羽仙黃羽仙紅二種

九轉丹成鬢不霜六銖輕舉散天香幢節俄從瑤闕
下雲間指點羽仙黃

蓬島羣仙拍手呵離披鶴氅舞僂僂祗緣竊飲茅君
酒醉後微紅上頰渦

題李綺里戚兄

支綺詩卷

窓暎秋花數朶妍爐香髻几對新編錯落珠璣眩雙
眼玉溪餘潤浸金荃

御亭詩稿

卷一

三

賸馥殘膏小品詩籤題綺里不相宜仙家自有超塵
語莫莫高山燁燁芝

和朴鶴園學士

永元

梅花絕句

十首
選五

梨花夢斷奏雲和春色枝頭已覺多繞樹嗅香吟未
就詩情都付水曹何

寒林如睡簇樓臺雪意關雲撥不開紗帷忽見春風
面老榦龍從半是苔

臘前先自占春回未許羣芳向上開迥立孤姿塵不
染凍蜂何事逐香來

珠蕾輕盈趁臘開年華鼎鼎此中催他時待取調羹

味四月江南細雨來

蕉觥心凸楮膚輕燈暈疎窓未曉明醉拗花枝翻小

罵緣渠日夜惱詩情

走筆成長句復寄鶴園

北風一夜吹石裂凍雨和雪滑崖磴萬木僵立無生
意譬如枯禪初入定忽見梅萼垂垂發冷然頓覺昏
夢醒檀暈巧剪冰繭脆蘚痕斜襯玉膚瑩領畧清趣
不在多嶺嶠一枝堪持贈與爾欲尋歲寒盟松吏竹
君共作證斬新冷蕊洩春氣紙閣溫磨暖如甌瀛洲
詞客病初起對此炯炯雙眼瞪祇恐殘瓣縈青苔鵝
御亭詩稿卷一
四
黃莫教芳樽罄步和坡公十絕句金線磨盡墨半錠
南村多有素心人賡唱篇什滿奚睎一日流傳到岳
麓從知珠玉走無脛盥手莊誦喜欲顛羅浮曉月添
高興自慚詞旨多生澀趙璧燕石太逕庭煩君試向
梅兄問此詩果與花相稱脉脉無語見人笑繞樹千
回喚不磨

新春小雨

癸未

濛濛春雨散如絲千點漩渦着水知細潤草心抽短
綠暗通泉脉動輕嘶窓縈濕篆圓殘夢階響流鈴和
小詩擬與壺公看霽景一簾山色轉清奇

擬作 徽慶園輓詞

獻珠符吉夢衍慶萃華宗淑哲聲方藹休明運更逢
嘉儀承禮揀綏福荷恩封女史傳芳訓掄揚炳管彤
天眷繇邦錄黃河見一清燕祿郊降乙麟瑞歲回庚
喜色浮 三殿歡聲動八紘發祥原有自徽德稟藍
瑛

保我 明明后 萱闈賴寶慈六宮欽梱範萬世奠
邦基侍膳勤 宸孝封箋視邸儀絲瓜歌少海純嘏
享含飴

岡祝期松茂 宸誠泣草暉撫謙寢遺錄崇儉驗陳

御亭詩稿

卷一

五

衣院直纔云撤宮儀遽覺非 聖哀持洊制憂悃涕
頻揮

厥衛行將啓青門拂曙開障帷宮女出執紼市民來
旒卷松風肅鈴搖薤露哀新園占舊兆幽刻賁泉臺
新晴看月
篩玉簾紋月色穿朦朧樓閣暮雲邊光翻樹葉明如
露影抹山根罩似烟詩就危欄風滿袖夢殘涼簟雨
添泉仙人倚桂清無寐長伴嫦娥駐碧天

醉歌用蘇長公韻

夏雲熱夏日長小塢一簇襍花香主人高臥潞潞雨

酒後芒角出枯腸祇將圖史娛心意古鼎縈縷金鴨
睡摩挲書帖臨道勁點竄詩句汰綺靡世情翻瀾異
煥寒路上來輪與去鞍自許冰心塵不染松下箕踞
白眼看百年莫教樽見底螺贏螟蛉侍二子君不見
朝來皺眉遠山齊娟娟翠滴嬌欲啼

木覓山頂

藤蘿穿百丈山勢壯京師一雨驅炎暑千家散奕棋
長江浮賈舶古木蔭神祠絕巘烽烟冷昇平賀 聖
時

陶山竹歌次成穎隱

載和

聽笛韻却寄

邵亭詩稿

卷一

六

君不見陶山竹虚心勁節飽風霜講堂絃誦含清韻
至今新梢拂雲長鞭根移載下江船昕夕嘯傲几案
傍翠濤沈沈供醉睡夢裏故人宛清揚藤榻對話披
情素窓外一帶見橫岡鳴鳩催雨喚我起晚風犖确
蕉衫涼廬兒剝啄遞郵筒水龍吟斷月茫茫紅泥斜
搨蝌蚪篆瀏亮長歌出繡腸滿室芝蘭同臭味穎上
岳下勞相望清哦細答琅玕響主人一生竹爲鄉

魚翠

翠羽雛雛帶夕陽銜魚飛向竹間藏記取枕屏圖上
看小塘秋色啄蓮房

甲申立春

甲申

比屋題春帖一一祈衍慶貪求人無厭博施天亦病
去歲綴釐詞所願遂其半更欲有云云慢瀆恐難追
玄宰運妙用豈獨於我私禍福非外至方寸有餘師
君子存警惕自強日乾乾遺金畏神明開卷對聖賢
瑞應隨善著譬若影與形久矣吾之禱聊備座右銘

新春小雨

雨後春城晚輕陰覆萬家社過應到燕寒峭故遲花
濃酒容衫濕狂歌任帽斜風光盡詩境健筆畫錐沙

清明江上作

邵亭詩稿

卷一

七

小棹輕盈鏡裏過春沙擁沫響微波接藍染取青青
色橫鋪吳兒一疋羅

茶甌詩

并序

酒茶須有器酒器之殘學觚尊著於六經而茶則
闕焉陸羽撰茶經言之原之法之具陸龜蒙有茶
具詩蔡君謨龍茶錄上篇論茶品下篇論茶器而
猶未能賅洽至茶村杜濬茗壺系事實盡備暇日
攬拾編成一詩書於花甌用待籠帽自煎之時瓊
瓊清誦與松濤澗籟互答也

茗飲仿周雅苦茶著訓詰唐宋稅五綱栽植遍山塢

散醒味全腴膩功斯普供茶須有具彝舟調鸚鵡
龜蒙吟十詩鴻漸編三譜璀璨茗壺系緬憶茶村杜
時窻久應絕定鶩遠難覩海左工陶旋燎竈斗陵許
巧製染華風駸駸變鹵莽我兄掌外饗創物器不窳
春日百工作埏埴見疑土白淨滑於脂琢玉未爲伍
細勻西蕃綠錐畫僅如縷文園解病渴鬪槍堪大詡
活水證火候沫餽乳花聚竹液滴滴圓詩思共飛舞
中衍搜典故寄君茶經補

秋雨寄履道社諸友

乙酉

寒草盈堦纈晚英謾將詩句作工程空思激灑樽心
邵亭詩稿 卷一
八
凸還覺蕭森簟面清簾外人同秋色遠池邊愁共雨
痕生花糕擬速諸君會鋤理籬東菊數莖

洪芍玉

鍾應

墨戲歌

芍玉山人才且逸雙眸炯然如點漆精華奕奕發諸
書毫穎秃盡千枝筆硬黃日搨淳化本一波一撇皆
關鍵我不搦管能鑑別君名端合編書苑小巷迤北
訪詩境瞳瞳秋旭散簾影麥光滑淨濕未乾隴麋已
殘歛石冷戲海羣鴻安用繳奔河渴驥不受絡兩腕
自有回牛力墨氣熏人猶噴薄更誦蕭寺編遊詩上
乘禪宗超二伊等身書讀琳瑯富渾唐璞宋未爲奇

廣文三絕今復見芒采陸離閃金電斗室閣學

沈公象奎

說項斯滿卷批硃光價銜交道如水蘭香漬歸來翹
想勞夢寐海上側理剪一半催胥便乞擘窠字黃公
石芝陶令柳署尾細寫菊秋九對聯粘戶如拱壁夜
夜晴虹起座右一生搜羅書與畫擬欲盡酬清淨債
覽此宛對紫芝宇有時整中還膜拜寄語世人那知
此顛狂只許邵亭子勸君非我勿輕與我詩君書將
互市

新興寺和芍玉

洞門松檜鎖雲扃千偈瀾翻不暫停塵龕金色供三
邵亭詩稿

卷一

九

佛巖閣瑤光祭七星過雨全無林葉赤披嵐長對野
山青招提隨喜除煩惱上界鍾聲下界聽

贈仁巖禪師

我是孔之徒未甚闢佛老博涉通三教粗識大頭腦
世人但耳食開口詆寂滅試問囂囂者儒釋從何別
吾生夙根在慧業證首楞城闍二十年恨未遇高僧
蕭寺負藤笈邂逅仁巖師破衲窮內典萬象攝摩尼
名山曾卓錫大海幾渡盃雲烟供胄次寶鏡拭塵埃
口誦蓮花偈琅琅響珠圓結茲東林社知有三生緣
擬將從師遊得聞第一義禪宗南北分理學陸王異

叔季多滅裂俱失本然旨率性與見性不離腔子裏
說此無量法解脫無罣礙非是棄聖訓歸依清淨界
欲借護法力道機發深省殊道本一致主人喚惺惺
吾道如菽粟日用功斯大彼佛同搆乳味在色相外
二者皆所嗜願言朝夕餐請師一轉語我作如是觀
冉冉窓暉睡味長亂堆籤軸作書鄉鳥歌柔婉新偷
曲山黛明妍巧試粧草已依依看不辨夢多了了覺
還忘如今小雨霑膏潤取次花枝到處香

頌蓮夢偈

邵亭詩稿

卷一

十一

莫言夢非真夢幻真亦然不分真與夢都是現在緣
現在結因緣慈雲捧大士夜夢旃檀界殿紅一方紙
一方紙上畫圓幢放毫光左右兩輔處各各莊嚴相
莊嚴如滿月側立一青獅衣襪巧戍削淨瓶插楊枝
瓶灑楊枝水題語香粉漬數行細如縷尾署頌蓮字
頌蓮問何人倘是前身我多生發願力因果遞薪火
薪火互相遞歷劫數恒沙污泥塵不染妙法頌蓮花
頌蓮攝內觀須彌一由旬方寸湛如水六時見金身
譬若明鏡裏萬物來相照何必禮瞿曇古殿金碧耀
金碧長在眼斯夕誦清梵頌蓮扁堂額諸佛證吾懺

謝仁巖長老惠櫻桃

梵宇傍行遞遠筒含桃的爍瀉筠籠灌心甘露參三
昧喫口香霏證六通白玉窓前因作果赤瑛盤裏色
還空觀音大士垂瓔珞頌法蓮花昔夢中

寄題鄭黃坡

煥村山居

田家一曲蓼花汀自策羸牛課野丁路側荒墳悲烈
魄村邊古廟酌文星半生塵繼頭全白盡日烟蓑眼
共青欲見故人人不遠珠璣四壁墨花馨

天竺寺

一帶樓西過石缸蕭蕭楓葉夜聞颺巖容抽筍危臨

邵亭詩稿

卷一

十一

殿野色圍盤遠入窓月是佛輪應不二山於王甸定
無雙莫言臥處衣裳冷賴有芳醪滿瓦缸

望月寺

吾行從竺國百里見秋闌崒巖爭起爛斑菊未殘
巢雲羣鳥定對月一僧寒烟霧輸肝肺清奇欲語難

送洪三斯

良厚

赴燕

書劍還輕一士行直當碣石歷長城藏山史策參遺
跡出塞詩篇帶遠情終古關河難送別至今江浙最
聲名玉河館裏新虹月也有知人候眼明

木落樽空攬物華都門相送日西斜千年禮義傳箕

封萬里葡萄入漢家
鴻鴈朔風飛不到
盧龍明月夢無涯
請君更束重裘去
秋雪幽州亂似花

兩目憑蝦可笑余
執鞭更欲御君車
喜交日下知名士
勝讀燈前未見書
瀟灑留題遼鶴柱
淋漓揚彩斗牛墟
臨分珍重無他語
長路三千慎起居

星辰艸木摠詩篇
中有人文合自然
俗學嚶嚶迷所向
強分時代與山川

蓬嶼瀛壖爛瑞奎
詩歌昉自子高妻
公無渡河朝鮮津卒霍里子高

妻所作爲東國詩歌之祖
羅麗以降文風振
吳氏新刊在會稽
會稽吳明濟有朝鮮詩選

邵亭詩稿 卷一

十一

港軒秀句滿寰區
奕葉書香見積麻
析木之津星五

紀如今誰是鐵橋儔
尊大父港軒公丙戌入燕與杭州嚴鐵橋誠陸篠飲飛潘秋庵庭筠交今行年甲適相符

帖帖金花壓帽簷
壯遊京國錦囊添
離心較共郵亭遠
算到燕山定幾籤

附 河間李雨帆編修 伯衡 遙和七律三章

冷貨誰云滯不行
一時聲價抵連城
頓教貧士萌

貪念翻恠高人有
市情海若奇觀驚
在望波斯異

寶侈難名品題莫
向旗亭問我比雙鬢
俊眼明

和璧隋珠氣吐華
橫鋪輓繡一條斜
昌黎文筆唐

遺軌務觀詩篇宋大家自是神仙鍾慧業何妨翰
墨事生涯更將利市爲君卜杏苑終攀及第花
交易無資轉笑余寶裝艷卸孝廉車方知燕市評
珍玩未若鷄林借異書留得才名傳日下載將餘
利赴溟墟歸來試握牙籌算奇貨都教此老居

和從侄石世

鼎集

丁亥

十笏山房證六通斷除塵妄覺身空浪浪簷溜渾鳴
雨裊裊爐烟半颺風好友從多容酒失達人曾不被
詩窮明宵白月圓如舫幾處虹橋跨水東

清明途中作

邵亭詩稿

卷一

十三

惺惚柳色拂鞍斜野路縈紆曲似蛇馬上今逢禁火
節天涯誰訪賣錫家一村籬落皆臨水三月清明不
見花近日薰腴新化洽風謠處處盡堪誇

贈宗人聽潮

復淵

蕭蕭寒雨濕征袍渡口無人繫小舸蓑笠獨尋村路
晚依然一幅畫臨臯

北渚賞桃

桃腮春日炙千樹小亭西粉堞依依見仙源處處迷
看雲初入洞掬水更穿蹊款洽村人意午飯具黍鷄

次李雨帆編修

伯衡

贈三斯詩韻卽寄

戊子

河間奕奕毓靈鍾翰苑聲名到海東道氣未瞻關路
紫書函常檢印泥紅硯凹墨聚雙箋句兩帆寄對聯
有古硯微凹

聚墨多句竹外梅斜一扇風又贈書扇錄坡公竹
外一枝斜更好句編取帆

亭新質劑錄拙作貨驗及兩帆詩
札題其卷曰帆亭質劑苔岑惟許寸心同

邊城息鼓海乘槎卡外捷奏做
邦遣使進賀一度音書遞小華園

巷花紅迷佛塔余居園井巷有
圓覺寺古塔瀛臺樹綠訪仙家兩
帆

有家住瀛
臺畔印馬羣空被增三價河伯安能辨兩涯何日

蘆溝雙鯉到山榴如火照窓紗

寄宋玉壺鼎玉

囂塵謝却返鄉居一室蕭然數卷書赤壁江山歸老

卻亭詩稿卷一

約雨蓑何日伴煙鋤

錦綉山人成綱齋
載詩藻績工頌蓮堂裏夜相逢離情畫

意誰多少墨入遙岑分外濃

萬木中間貫一川檻前深綠漲漁船沿溪白石經行

地須向篠園問昔年開君入溪訪成篠園
元鑄即余舊遊地也

夏夜塔園小集

清宵一磬坐來敲月照琅玕露滴梢是日逢場皆素

識此生塵事未全拋訴愁濕蛩吟秋砌伴夢寒鴉掛

曉巢瘦骨憑軒收灑氣鸞驂將欲住三茅

芭蕉疎雨曉生聽涼簟風來酒力醒社裏交朋邀上

座樽前燈火照中庭詩叅禪悟籠孤塔夢雜秋思落
遠汀肯許西園能擅美憑君圖畫上雲屏

送別成綱齋

載詩

夢中神契古來稀

君夢與余及篠園穎隱聯句篠園號以中湖穎隱號以起巖洵奇事

也一曲峨眉動玉徽我以友生爲性命君於繪事得

天機香銷竹院和煙立酒罷桃蹊帶雨歸歡樂幾何
今又別秋風把袂兩依依

次朱子武夷雜詠韻寄趙夢雨

雲杜

選六首

我學靡止居有如傳舍客日日疲於途何處蓄甌石
了悟根夙業誤墮禪機深頓漸何會別卽佛見真心

邵亭詩稿

卷一

十五

綺語習未除雕繪枉費力近始學專經漆簡餘孔壁
六經作鼓吹千載誰嗣響箋註多拘牽我欲擇其長
旨哉柱史言上善莫如水晝夜不能休千里復萬里
默坐一室中曾次包九宇誰知量與衡本自起粒黍
紀曉嵐紫石硯歌

十硯先生癖於硯罷官歸里瓶無粟惟有詩束兩牛

腰端坑奇石聲相觸

杭世駿榕城詩話曰黃任字莘田官四會今有硯癖自號十硯

先生罷官歸里壓裝惟端坑石數枚詩束兩牛腰而已

就中濟陽井叔刊日夕

摩挲愛尤篤篆籀蒼勁銘其背八角廉稜截紫玉金

櫻手捧隴麋香

莘田侍兒金櫻妙解文翰

品月題花幽事足淬妃

欣說遇鉅公曉嵐清雅不入俗山斗聲名遍華夷
夏我讀癸陽錄西清常共襍被携小泓晴虹光恠數
松園前輩金公履度駕星槎邂逅論交蒙贈辱筆勢矯矯

傳海邦渴驥奔泉無蹇跼春風吹落經畹齋趙秀三几

案清哦佐醅醲繭紙百幅白如銀寶物如今於我屬

見此宛若對昔賢淨水蓮房手自浴留作吾家永寶

用豈數金線與蛾絲六傳百有九年間鵝眼幾點記

往躅爲證邵亭文字祥明窓續成中林曲錢塘吳中林庭華有

十硯先生

冬夜

邵亭詩稿卷一

六

擁爐塔園夕微雨灑平林夜色同年促燈光伴話深
人過傳屐響梅發映屏陰到臘全無雪空將和郢唵

臘月始見雪

玄冬天氣似春溫臘月初看雪片翻
蔌蔌映空斜有影輕輕著水散無痕
遙岑拄笏埋朝綠小戶繙書破
夕昏宿麥連雲蝗入地農歌幾處擊壤喧

走筆簡絅齋

一夜寒稜稜庭砌堆瓊粉苔埋石丈衣酒合梅妻
無人問袁安臥聽車聲轆清興浩難禁起來歌招隱
所思在汶陽彷彿顏如槿剡棹那可通萬重青山嶼

睠焉勞夢魂，悵惘如有抃。剝啄遞郵筒，犁然神契昭。
心墨猶未乾，小牘題封謹。燈下忙坼看，開顏一笑听。
纒纒溢清辭，粲花生口吻。快如倩麻姑，爬盡遍身癩。
更倚半幅圖，淋漓滴奇氣。蘊畫蕉開紗，幘筆勢超塵。空
渲染六出花，枯樹低檐穩。寶庄在眼前，伊人不可近。
什襲藏袖中，欣若握瑜瑾。擬伴湖與壺，披看傾綠醞。
慚我負素心，奈被塵纒縻。行墨十許年，程文徒枯槁。
背時空吹竽，求人肯束縑。靜居息交遊，一世皆鹿笨。
綱齋託知音，孚尹良玉韞。誓將論寸心，斯夕雙手拊。
關繻慕終軍，村缶憐楊惲。歲晏相睽離，懷緒苦未卷。

卻亭詩稿

卷一

七

長歌寫鬱陶，險字多摭擲。冰玉入雕鏤，錦繡歸絳纈。
君詩如強弩，不欲發鼙鼓。若爲和郢吟，雷車響吩噉。
送玉壺歸羨陂

石湖樂府滿奚囊，雪積江干一屋涼。紅茜野裙風態
艷，白粳村餅歲時香。水流照火又魚急，官路輸租駕
犢忙。遙想殘缸孤坐地，塔園深巷夢魂長。

次起巖

頰隱一號

韻示成中湖

元鎬

夢雨桐齋

己丑

吾道不在遠，何必求千里。及到着脚地，煩妄同樊屣。
糞壤成山嶽，潢流歸海水。良玉未琢磨，終不遂其美。
所以擇交遊，講討滌塵几。夢雨志于學，孜孜名行砥。

莊庵

朴桓齋珪壽一號

才出羣談屑芬牙齒兩處受增益歸

坐細料理虛室忽生白吉祥見

現

止止惺惺不能寐

中夜攬衣起恍若韶濩音一洗箏笛耳憶昔多馳騫

雕繪筆屢泚此身叅天地惟當惜寸晷篤工務根柢

浮華歛錦綺勉旃君與我庶免馬襟耻

近日心源活潑如有欲言

而不得者薄昏途中湖夢雨出門別燈獨坐更展起

巖所贈詩忽若有人觸發機括急起疾書意至而句

語亦無大疵疇曩未嘗不肆力於斯而常患苦澀今

乃如是始知詩雖小技似無關於學問而泚若求工

於品月題花則終不遇藻飾粉澤之末而已

端午帖代人作

苑中田塍識農功出水秧針上下同無逸一篇龜鑑

邵亭詩稿卷一

在江心何事鑄青銅

次韻與趙性默

烏雲紅日照人來買取芝園舊本回早有墨緣相湊

定分明說與乃孫知

往余從市肆購坡公天際烏雲帖即程音田贈芝園趙秀三者

性默之祖也

雨帆遙贈古碑來小几焚香讀幾回證與雲庵相伯

仲鑑精惟許子函知

雨帆寄余北海岳麓寺碑拓本○趙子函石墨鐫華曰岳麓寺

碑與雲庵差伯仲耳

奇珍肯數五銖錢漢瓦堅凝閱劫千報以鏤花如意

子文園典故入珠船

性默贈余長生未央漢瓦硯答以鏤花如意一函

詞章不直一文錢自古賢豪誤萬千真正英雄皆力
學須從濂洛問津船詞章雖與技藝有間究竟無所
利益於身心虛度此生則等耳
古來賢智之士陷墮此坑者不知爲幾人可不大家
哉夫德勝才者吉才勝德者凶倘能涵養學問謙和
可謂第一等人物惟爾最諸

池荷纔見疊如錢已是田田柄數千年華鼎鼎金丹

晚何日方登太乙船

涼雨霏霏枕簟生秋攬時序之
推敘思學殖之荒落用紫陽朱

夫子質簪壁上
詩意聊志感懷

除夕述懷 辛卯

一年三百六此日最難懷殘歲今如許幽愁不可排
工程從性懶志業與時乖點檢終年事孤燈耿小齋

卻亭詩稿

卷一

九

夜與年光促銅壺箭屢移晨鷄鳴不已流水逝如斯
默數愆尤積勉旃敬義持日新除舊汗人事驗天時
心制纔終著吉衣又當急景淚頻揮一日未能供子
職三年已覺隔慈徽蓮漏空將催夜色草心無復駐
春暉忍聽林鳥啼向曉禮峰松栢夢依依

紹興庚辰晦庵朱夫子三十一歲往學延平先

生寓於西林寺惟可師之達觀軒有題壁三絕

句今余年恰當夫子從師之歲而氣質頽惰利

欲蒙翳又無明師畏友開導先後之其將陷墮

而莫之能自拔也歲月易失義理難尋惕然有

感于中謹依原韻聊自勉勵亦以示同志時壬

辰元日

壬辰

真工要眇語難裁
恢拓心胷等築臺
實地倘能牢着脚
玲瓏萬象眼中來

夫子何年負帶囊
從師千里住僧房
靜繙伊洛淵源錄
百世心期一瓣香

三陽回泰道機深
一念兢兢戒履臨
及到壯年猶未學
西林詩句感吾心

元宵玉壺見訪拈山谷韻

端正雲間月
冰華遍九州
虬壺移箭漏
烏飯供盤羞

邵亭詩稿

卷一

十

遊讌喧珂馬
農功占土牛
一年今夜最
何必數中秋
良夜開清讌
燈花小几平
檜旗修茗戰
鼓角整詩兵
星斗隨天轉
文章假我鳴
陽春歌白雪
授簡問長卿
青眼欣相迓
傾談夜已分
開窓看好月
剪燭賞奇文
懶性工難就
狂吟酒易醺
袖將山谷韻
歸與衲齋論
次六一韻
走筆贈宗人伯倫
龍和
用小石帆亭

著錄古詩平仄法

百里辛勤來訪我
小齋幾日傾心談
是時上元月如舫
樽酒相對人影三
九街喧闐車馬響
捲簾玉手明纖纖
石欄干外一憑眺
東風柳眼初開絨
上都物華

政如此融融萬戶春方酣縱橫醉筆千紙掃詩令觴
政吾能兼達觀不欲飲金波明時豈用窮玉鈐年來
學道回樸素一種雅韻終難芟良宵忽覺觸機發暮
歸觀獵我獨慚高吟擊碎鐵如意酒痕狼藉輕羅衫
十文奇氣詩思健虹橋仙樂奏雲咸明朝別意不須
說杳茫雲樹西亭南

鄭周溪

基世

自燕還以詩遙寄

十月灤河凍不波赫蹠遙寄愛摩挲百年正學傳三

陸清獻爲
近世儒宗

萬里神交在兩河

雨帆之
官河南

豹管窺慚心

目小蝦鬚憑喜見聞多歸來擬做清宵話燒盡爐香

邵亭詩稿

卷一

三

篆一窠

南麓看花

柳條低拂帽簷齊曲磴縈紆上石梯澗戶春深芳草
外酒旗風颭杏花西吟狂誰竟探驪領遊冶人多散
馬蹄笑指明朝留約地幽蘭古洞望中迷

籬杏紅酣炙眼明香風吹袖一身輕偶携竹杖尋春
去因折花枝覓句行芳草芊緜薰夕照遊絲搖曳漾
新晴洛陽三月堪圖畫幾處林園擅勝名

春雲覆郭暖溶溶橫抹仁王第一峰巖轉泉流渾欲
斷洞深花事未全濃仙源舊賞霞千樹

曾有北渚
賞桃詩錦

障新綠碧萬重擬由四郡入越中兩袂飄然歸去遠晚風林

外度疎鍾

暮春幽蘭小集

嶽下嵐漪坐處深韶光收納養詩心春闌已覺千花亂
院寂時聞一鳥吟烟散茶爐鳴澗籟雲生畫壁響
山琴尋芳近日奚囊富惟許高朋獨賞音

春盡日發丹邱之行

輕裝結束出郊東十里吟鞭綠樹中一癖難除山與
水三春已送雨兼風塵機頓覺離城息詩語方知對
境工騎馬故人應待我松江暝色度孤蓬

邵亭詩稿卷一

石世侄知金城縣將入楓嶽送騎專邀用王漁

洋韻

十載少文琴苦癖在泉石書史有餘閒輒自携短策
今春入丹邱緬懷退陶蹟月白錦江亭樹綠春城壁
大江順流下東風掛帆席吾侄守金壤少年頎而白
暫綴西清班蓬瀛奮仙翮稚川求句漏長卿論邛犍
千里海山秋雙鳧雲外擲一幅印泥紅遙寄書咫尺
邀我共遊賞慙懃情脉脉飄然欲御風遠役不須惜
草草理行裝詩卷與蠟屐傳語東道主相待梨花夕

梨花亭
在金城

出惠化門

我自塵機少遊仙一夢回三山舟可到九月鴈初來
野漲叅差落岸花瑣細開吟鞭雲外指千里接蓬萊

曉發樓院

茅店鷄亂鳴行人侵曉發黎黑信馬蹄衰草露華結
冷風吹不已疎星看漸失稍稍曙色開微辨遠樹列
野水得日光騰氣如蒸飭輕揚復搖曳山靄合爲一
頃刻彌大千茫茫滄海濶去將何處向回頭路已滅
衣袖濕不舉撻墮防顛蹶赫曦三竿高陰沴乃退黜
山川忽呈露寥廓坤倪豁

邵亭詩稿

卷一

三

發金城縣

一路吟鞭馬首東蓬壺咫尺入望中溪分百道流雲
白霜染千林映日紅五嶽何須婚嫁畢七絃惟許海
山工長安寺裏明宵月擬看圓蟾掛碧空

觀音嶺

峰巔臨急瀨倚杖騁遐情一水彎如月四山擁似城
棠毬懸露重松鬣灑風清佛界看看近觀音已嶺名

絅齋見訪

巷柳蕭條鎖暮烟客來烹茗試新泉小梅窓暖春生
硯淺雪庭空月在天瑰觀今年遊海嶽耦耕何日餉

山田疎燈對榻吟詩苦却教人疑入定禪

石世侄寄示金剛三十絕句要我剛正畧加潤色而歸之因走成長句以贈

北陸凝陰雪如掌檐冰風折琮琤響四圍屏障護深寒梅梢竹樹青檀欒主人宴息澄心坐篆縷未殘爐留火往遊歷歷默而存須彌芥子方寸間神馳瀛海髓三洗流峙融結道之體金膏水碧溢胷中不須雕績求其工所以綺語盡掃屏祇將烟靄養情性山行舊伴富詩篇三十絕句驪珠圓我之欲言君先得嵐光半濕剌藤幅讀來宛若對眉鬚振撥離緒縈且紆

邵亭詩稿

卷一

三

凜守先訓期永久天倫至樂知心友宦遊半載分參

商關雲日夕勞遠望位宅守歲知誰與

杜位甫之姪甫有位宅守

歲

詩買書張軍徒自許

阿買韓愈之姪愈詩曰詩成使之寫亦足張吾軍

塗乙

詩草聊相酬心隨書鴈空悠悠定知今夜思君夢携手共入長安洞

對雪有懷

茗爐吹火濕烟遲亂雪漫空欲下時妬得曙光侵小戶學成花蕊上寒枝羔兒帳底誰家酒驢子橋頭幾句詩想像歇惺今夜月森森萬玉競抽奇

歲暮感懷別絅齋

急景駸駸別意深天寒白雪動高吟半生都被文章
誤兩鬢翻驚歲月侵樞驥空懷千里志室蘭同結二
人心春風擬載扁舟去一曲桃源夢裏尋

清明前日與玉壺步月訪綱齋于汶上

癸巳

江村春淺曉生寒星斗闌干夢欲殘草色暈青凝野
望潮痕界白際天看風光冉冉清明近塵世擾擾會
合難坐到鷄鳴不知睡新詩一字費吟安

清明溪上值雪

水木澹清景閒中樂意關雨聲來昨夜花氣已前山
暖笛吹林外風琴韻壁間淨莎抽短綠散策步溪灣

卻亭詩稿

卷一

五

送張立携眷入越

有誰能問學不顧世人驚求諸委巷裏得汝與君平
高柳松江曲全家上水船明朝峭帆去遙指越中天
我昔遊越中扁舟滄金鳳山水真堪隱時時勞遠夢
續燈披九經犁雨播百穀士當守本分晝晝夜歸讀

寄帥石村編修

方蔚

甲午

雨帆收引後來英淡墨新題到泖城

石村丙戌探花
雨帆爲會試座

主嘗寄
余殊卷

虎觀編書推史例

石村究心史
學多著述

鯉庭趨禮繼

家聲故鄉地近滕王閣

石村江西
南昌人

內院人傳陸相名

蠻布織成春雪句苔岑神契託平生

嵩洛春風太守車憑誰萬里遞雙魚兩帆之官河南石村作傳書

郵幸修交好追僑札媿許文章薄石村贈余詩曰性理守程

朱文章薄徐庾關柳遠牽中夜夢驛梅頻寄隔年書江西詩

派河間樂海內知音獨有余

吾儒正脉滂程朱分派姚江各自殊不是隨聲依草

木敢云衛道關榛蕪來書曰開足下斷斷朱陸之爭於姚江詆之尤力是為吾道

干城之備此又過矣南昉法語承心貺見寄彭南昉定求儒門法語一册西竺

禪機辨志趨纔說知時同已發許公遺訓豈然乎許恭

簡公曰文成宗旨原與聖門不異以性無不善故知無不良良知卽是未發之中此語恐未妥當

壽河南知州李雨帆兩親六十

邵亭詩稿 卷一

五

耽羅古海生螺螄脫屣行沙光陸離良工剖破成珍

器五色鸚鵡形儀奇舉酬遂忝玳筵居乳泓滴滴含

中虛宛渠之舟波祇貢異聞搜剔瑯函書萬里星槎

薊門柳郵遞遠寄河南守河南太守翰苑仙郡中堂

宇扁眉壽宋張魏公知福州曹國派從洪武世兩帆皇明

開國功臣曹國王後裔鷄鳴古廟山河誓朱門棨戟白獅街在街

河間府城其世居也奕葉華胄五百歲廣文先生杖於鄉尊大

任廣文猶如初日升扶桑君子偕老媿淑德金泥封誥

何煌煌專城侈養覽揆辰肇麟魚鳳壺觴陳驛軸銜

錯耀四壁榮光休氣清洛濱洑上書生拜而稽遙執

通家子侄禮杯體蜿蜒尾翅張酌斗祈者湛玉醴翠
窠鈿文騰光彩侑以長歌詩可採天錫美祿顯且融
詠公之德同測海應是躑步出蓬萊一世仁壽躋春
臺蓬萊有螺名躑步明
王之世浮于海際萬畢傳術愈蠲睨淮南子曰
蠲蠲愈蠲
眼疾也方瞳夜抄蠅頭楷吾親康健享高年五豆禮
饗鄉飲筵杯乎杯乎酒常滿兩家獻壽壽萬千

簡石世赴燕行中兼示絅齋

灣上君應到華夷一水分羈愁逢塞雪征夢入燕雲
戍火樓中見笳聲枕上聞關河千里隔惆悵我離羣
送張立歸越中

邵亭詩稿

卷一

七

杜鵑三月暮客夢繞蓬萊水驛風花落山程霧樹開
更無人下榻獨有日登臺醉或忘離苦留君進酒盃
倚山茅屋小錦障卜新居峽近盤供款江深網得魚
畚烟春種粟篝火夜看書玩索知多趣閒中俗事無
秋夜與徐石史德井劍橋絅齋金經臺尚鉉小

飲丁酉

塵世擾擾一笑中峻嶒瘦骨恟西風從古金臺歌俠
士如今石鼎賦仙翁澆胷酒氣浮蕉葉滿眼秋光冷
菊叢旗鼓詞壇論敵使君以外獨曹公

次東坡梅花長句韻寄經臺

戊戌

東雲一夕雪壓村翠羽喚回梅仙魂斬新數蕊垂垂
發使人瞥見洗塵昏聞道大庾嶺以外千樹遍植家
家園北地凝沍殊氣候紙閣深護噓春溫月落參橫
太黯淡絕艷最宜窓迎暎祇恐客來遭俗浣花開十
日關松門從古賦梅皆皮相欲寫神韻渾忘言唐突
梅兄吾有罪強把惡詩侑芳樽

述志用經臺見寄韻

人生靜以上降衷本自天一從墮軀殼毫釐舜蹠邊
聖遠微言絕後學無梯緣元公挺間世圖成太極圖
關洛繼而作推闡光于前滄洲波汪濊渾涵象萬千

邵亭詩稿卷一

主靜及守禮拈敬語方圓

余謂周子之主靜張子之教人以禮使有所據守無

非敬也然至朱子於大學或問拈一敬字補小學壇

工夫而後該內外貫動靜乃能不滯於一偏也

坵日漸衆百態互呈妍道術關世運姚江一劫烟詎

獨宗禪旨機用盡妙玄

姚江之援儒入禪夫人而知之若其持已處世乃一生善

用老子者竊自謂獨執其真賊焉

不過數傳後猖狂亦可憐

輩球時尚考證故紙空鑽穿閭若朱彝倡其首惠棟

戴震步武聯一生精神敝買積珠還捐存養底何物

埋沒虫魚箋末流尊苟墨至著述學篇汪中著述學內外篇推尊

有墨爲之詮釋百恠蜿蜒出燃犀欲照淵偉哉稼書子衛道

關禪詮不意叔季世觀此光燭懸余嘗推陸清獻爲近世儒者之冠

車薪竟難救習尚日以遷我友淹且雅羣書謾糾纏
游騎出太遠馳騫可無愆由博以反約此語宜勉旃
扶正功斯大踐實德乃全切磋崇友道契合想犁然
願言相淬礪追隨小巷連

和經臺

晴碧遙天鶴影盤庭莎抽綠雪初殘山含宿雨浮空
翠梅入新春結小團閱去世情多冷淡拈來詩格尙
清寒一瓶聊借澆書酒疑義奇文共子看

多謝天公餉我閒半生活計蠹魚間自言心裏無他
事誰識城中有此山兩岸條風開柳眼千巖絲雨洗
邵亭詩稿卷一
芑顏春來漸覺幽居好紅杏橋頭水一灣

雨中與石史劍橋拈王仲初韻

四月黃梅細雨來霏微映空如輕埃庭院無人芳草
積玫瑰一樹花欲開洞中滃滃白雲起堯羅寶綿被
溪水城市望此只見雲一生自許住雲裏主人挽客
留不去晚鶯恰恰啼滿樹瓦溝滴滴初斷流已看晴
嵐入山樓小奴携錢沽酒至青帘楊柳垂橋頭醉後
狂歌按新譜手把如意婆婆舞

爲再從孫相熙成婚往鷗浦卽浦渚趙先生遺
址也賦一律志感

兩麓彎相向前臨野港斜昔賢曾卜宅外裔復通家
海氣朝迷樹潮聲夜捲沙半生鴻爪跡到此意還賒

雷雨後作

雷轟雨瀉晝冥冥頃刻晴光入小扃仙鶴盤空弄新
碧老龍歸洞帶餘腥懔舒人與天心合翻覆時同劫
火經斜日蒸林山氣濕隨風輕靄拂幽櫺

靖陵齋廬述懷

已亥

夙結清緣重郎潛亦在山寶坊開水際秘殿出松間
冷宦容吾拙枯禪讓此閒擬求句漏令他日鍊丹還

次諸年少看花韻

邵亭詩稿

卷一

三

山齋日日長蒼苔巨耐幽愁撥未開蕭寺曉雲穿樹
起楮江春水泛花來大家聲調詩千首小戶風情酒
一盃賴有諸君能屬和不知誰是軼羣才

奉恩寺壘前韻

叢林傍湖水勝似在深山暮磬溪橋外春帆野港間
壺樽留客興車馬妨僧閒我欲銷幽鬱時時杖策還

奉恩寺次劍橋韻

秋江日晚浪花風蟹斲橫斜小約東行盡黃蘆洲畔
路吟筇復入梵王宮

次放翁韻誠兒輩

豈可以橫目遽謂與人齒讀書而心得乃免馬襟耻
此身參三才萬物無倫比軒冕非吾望藻采非吾喜
願汝作大儒毫芒析微理欲識下手工慥慥斯爲美
寓懷寄族孫而習 學熙

木葉下蕭蕭薄雲不成雨攬物起浩歎秋光老如許
從仕來此間已閱再寒暑碌碌真堪憐明年又何處
但願及未衰耕鑿臥環堵經訓教兒孫餘生保殘縷
外此無所營已矣鵬遠舉一詩寫我懷慰君作羈旅
書示兒輩讀書山房

秋光浼如古畫殘盡日齋廬足清閒初夜月明忽雲

卻亭詩稿

卷一

三

翳萬松高暗如深山逸東小逕一燈導步履乘輿叩
禪關寢郎無事日常到迎送應被緇徒訕平生攻苦
何所就四十無聞駢發顏傳世書香不可斷使汝負
笈來此間時聽諷讀心自喜響勝泉珮相琮滌惟願
進德又修業慎莫學我癡而頑性理淵源滌閩洛文
章體製追馬班戒語書與無恤簡杖策行趁曉鍾還
秋日與尹淵齋 宗儀 朴桓齋 珪壽 經臺宿金仙
庵仍遊僧伽寺 庚子
風捲蕭蕭雨山深已暮秋溪迴斜築磴巖罅劣容樓
澗響窓中入霜痕葉上留短筇來較晚未趁月華流

秋風秋雨摠堪憐
楓樹紅酣葉葉鮮
萬壑寒聲來戶裏
羣峰秀色落樽邊
詩家定結多生業
佛界初開小有天
十笏山房容久住
不妨禪悅度殘年

昔我年少樂疎誕
看山常倚一筇短
名字三山石上欸
詩句萬瀑洞中滿
百里以內皆領管
危棧仄壁視平坦
十載光陰如轉轄
人間憂樂成衰懶
寂寂床書出門罕
三斗俗塵苦未浣
社裏良朋作好伴
來尋郭北住禪館
回首歲月浩難算
壁上題字半漫漶
譬如舊書迷句斷
這理節節透要窺
秋色澄鮮石氣悍
清賞信可除煩懣
佛燈深護丈室煖
名山一記香露盥

邵亭詩稿

卷一

三

徐楓石尚書

有集

宅小集分韻得俗字

辛丑

化晷過元已
芳粦正繁縟
文讌敞虛館
山靄迎遠矚
夫子體令德
懸輿知止足
晚計蒼雪間
逝將謝塵俗
時哲咸萃集
寶彩積崑玉
清論粲綺霞
道德交相勗
泛愛畧年義
微物亦甄錄
迷塗媿淪誤
飾獎一何篤
寵叨光誦末
弱翰寫心曲
庶令後來者
竦踊企芳躅
太廟直廬有懷寄李橘山進士

裕元

廟樓開肅敞
麗日布陽和
穉綠連宮樹
輕圓泛沼荷
下僚從我散
獨學共誰磨
攬物懷良友
新詩寓感多
次兒輩無忘樓韻

危樓一上萬愁生
溫祚千年有古城
此處君王移警蹕
伊來民庶樂昇平
山頭孤堞空雄勢
野外長江尚恨聲
童子舊遊如昨日
漢南回首倍愴情

太廟直廬謾吟

闕宮清穆鎖齋廬
呼吸真通上帝居
典僕紅衣來講禮
郎官烏帽坐看書
鶯啼深樾千珠滑
荷點方塘一鑑虛
向晚賞晴樓下步
青青草色上人裾

我如松老閱風霜
已矣春花媚艷陽
千載功名無別事
六經文字有真香
餘生日日孳爲善
此世人人汲若狂
莫道休官曾未見
漁樵晚計老江鄉

卻亭詩稿

卷一

三

午風簾閣夢方圓
淪茗新泉小竈烟
特地暄涼初夏候
幾回晴雨片天蛙
迎梅潤喧池畔燕
帶芹泥墜硯前
詩律消閒真妙策
寥寥公館日如年

四十衰容鏡裏催
強排愁思酒樽開
郊風入夏初黃麥
階雨經旬盡綠苔
午暖林蜂掠蟲去
晚風山鵲引雛來
憑欄偶得新詩好
獨自清吟一兩回

楓石山房攤書圖

午風簾閣繡毬香
冰盃沈菘綠色涼
閒裏攤書消夏熱
芭蕉分影上藤床

次坡翁陪歐陽公宴西湖長篇韻呈楓石茗川

舟中

楓石老人頭如雪丹光奕奕浮雙頰茗川一曲歸興
濃手攀杜若芳且烈片帆滂流秋未霜名章秀句何
輝煌艫裏筆床與茶竈二三少年皆詩狂望若喬松
懷作惡欲醫俗病之良藥烏帽日日走黃塵匏繫卑
官無可樂汀蘆向夕涼風生遙想月入蓬窓明自是
此世無人顧爲誰誤彈匣中箏

秋晚直廬口號

稜稜霜氣菊花斑苑樹青黃夕鳥還林外忽明紫金
色斜陽一抹在南山

卻亭詩稿

卷一

音

重陽自挹白堂步下楓石宅分韻得冒字

秋空寥廓淨如掃萬里西風鴻鴈到萸房綴紅菊綻
黃是時政堪樽酒倒喜聞筆園折簡招匹驢穿街日
中造主人登高寂掩門孤山客憑仙鶴報步履閒尋
挹白堂小欄斜臨澗之隩南麓選勝開綺筵俯視長
安十萬竈此地舊有龍山名令人却憶參軍帽采花
粢糕滿口香佐以茶槍兼酒燾向晚淒雲結曾陰冥
濛濕翠作秋澹杖屨言旋裙屐隨幽徑何必煩騶導
歸坐淨室十笏寬剗除禮數容疎傲平生邱壑在胷
中肯隨對境分曠奧我公早受正廟知幾年西掖

掌綸誥 四朝日月白髮多近占江湖散人號遲迴
京洛戀明時未忍便遽遂高蹈虛懷愛士會以文及
門人盡絕俗操揚挖千古談不窮顏景心靈猶未耗
有裨實用乃文章一言足可廢羣噪顧我幼少業功
令升載荆圍打毘毘晚藉門蔭素志違與世齟齬同
柄鑿磁針氣類暗相投厚荷先生惠而好強把蒙陋
追末光譬若珉珠廁珪瑁自從上已到重陽幾番晦
朔相掩冒中間酬唱富詩篇多愧春花傷剝盜竊願
我公身康彊海屋遐籌享期耄年年佳節陪此樽是
乃區區某之禱

邵亭詩稿

卷一

五

舟下臨津

壬寅

泛泛臨湍小艇閒臥聽笙笛下雲灣削成一帶沿江
壁點出千螺近海山日晚波光搖帆面風薰麥氣襲
樽間如飲渡頭沙似月漁人收網得魚還

癸卯除日定遠州署以亂山殘雪夜孤燭異鄉

人分韻十絕

癸卯

年逐漏聲催心共燈影亂千里灌之北寂寂新安館
釋褐仍縮紱 君恩重於山觚稜長入望夢裏點朝

班

結交當世士如今半凋殘餘者又相阻衰懷那可寬

去年岳下居梅花媚清絕誰知此歲除獨吟塞上雪
四十有二年年年度此夜最是關河外殘燈守旅舍
風樹纏深慟羸博淚欲枯况持拱右制天地一身孤
少壯困公車古書多未讀衰晚悔欲追還同昏夜燭
晝夜日出入昨今詎有異塵妄生分別耿耿不能寐
鉦鼓喧解宇廝卒驅讎忙那識州太守去國客他鄉
京洛諸眷屬燈前說遠人遠人徒自想懷抱向誰陳
送橋山三行人入燕乙巳

征輶半日故遲留近塞寒雲雪意稠旅館盃樽仍遠
別丁年冠蓋卽奇遊逢塲共話君恩重去路堪愁

邵亭詩稿

卷一

三

客夢悠一紱誤人同縶絆明春多恐又茲州

余滯關西四年遍覽練光百祥降仙無盡以及

香山三十六洞之勝而未有一詩蓋自知吾詩

拙弱不能抗斯景也丙午上巳過良策館登聽

流堂一峰一石一水一亭點綴溪山小幅差可

與吾詩相稱乃次楣上洪耳溪太史韻

丙午

西林斜日出關門勝地無人悵把樽近塞清明風力
勁臨溪亭館浪紋翻勞車倦馬多羈緒崩石頽沙尙
漲痕宦跡從今凡幾到這回登眺算頭番

去年春朴梧墅

鶴園一號

尙書儉客使過州伊後聞

余入香山寄詩索和時栽荒溢日未暇爲答今
春梧墅奉使赴燕又過敝境督詩債甚急

清朝儂價輟崇班前度輪軒又玉關可喜頻年萍梗
合那堪此地柳條攀名山詩債非緣懶栽歲民憂未
暇閒持節佩符摠王事風塵碌碌兩衰顏

曉出彭義門

出郭危蹊黑輿夫步步停霜華凝老樹曙色掃殘星
北極瞻猶近西風路慣經荷衫秋氣薄遙指海山青
無題

胡麻炊飯出仙厨洞裏桃花絳玉跗多意拈來諸葛
邵亭詩稿

卷一

筆硬黃新帖寫官奴

桃根桃葉結芳緣枕上遊仙夢也牽海上秋風無限
恨清歌一曲想夫憐

次韻酬玉壺兼簡中湖

妄欲跂前賢嚶嚶四十年交遊嗟已散事業恐無傳
竄逐同潮海循良愧潁川餘生猶可補努力讀陳篇
紅梅盛開有懷而作

姑射山人玉雪姿肯同桃李鬪芳時偶然竊飲茅君
酒一抹紅潮上兩腮

寒梅忽放一枝紅錯認桃花笑晚風千里梨雲迷曉

夢維摩天女色非空

次韻禹孝廉

治榮 寄示

忽驚爲客久冉冉歲將終小句梅爭艷衰顏酒借紅
一燈生遠夢幾日見春風隣曲頻相訪清談此夜同
雪
撒鹽飄絮兩相兼萬里同雲入遠瞻冰潔亦能容庇
覆花繁猶自矜清嚴飛來鶴影翻翻失返得梅魂朶
朶添玉局仙人詩骨冷盤空硬語詠又纖

有感丁未

笛月關山度幾春銀川又見柳條新樓臺歌舞成陳
邵亭詩稿

卷一

三

跡廊廟功名摠夙因泣袂湘南迷楚雨聽輦塞北漲
胡塵酒酣手按龍泉劍自恨匏瓜繫此身

賀李西淵

憲明

尊甬澆花老人回香

君王敷錫福吾東珎慶年年祝碧嵩若教續成人瑞
錄卷中端合首花翁

遐齡四世享期頤最是齊眉卜年稀昨夜極南狼比
地更添牛女兩星輝

緜笙藍杵舊姻緣果否重開合登筵五福人間盡如
意澆花翁不羨天仙

瑤池春色十分奢千歲蟠桃灼灼花前度劉郎今又

至仙厨香飯供胡麻

邵亭詩稿

卷一

一

邵亭詩稿卷一

詩麻

邵亭詩稿卷二

慶州金永爵德變

憲宗大王輓詞

已酉

玉樹簪吉夢盤空仙鶴舞
丁年月之七歡聲遍海宇
丌編發英悟屏畫推仁性
寶錄頌萬千一堂共
聖

上天不悔禍先庚與後甲
尺衣臨黼辰誕承艱大業
躋配觀殿廟舉緬遷周灤
誠孝發宵寐涕霑對鏡顏
寶訓纂 三朝璇幘妥 兩室繼述羹墻慕鴻名闡
先烈

邵亭詩稿

卷二

康爵進顯冊萱景駐長春隆養千乘富興孝一邦民
堯世憂墊溺灌北民其魚是時臣佩竹手捧十行書
景貺天降康歲歲占大有烟花畫太平民物樂安阜
誠正真氏學剴切宣公議 宸心契此書庶幾鑄至
治

天縱固多能餘事及遊藝袖珍刊詩韻寶墨做漢隸
大德必得壽中身猶未半鳳曆十五載炳烺史氏讚
代邸橫庚兆摩尼燭瑞靄定賴垂冥祐綴旒復磐泰
簪柰如昨日魯祔卽軒喬鬱鬱 七陵柏仙仗白雲
遙

廟司詢冊日省直納言時拂拭荷殊眷於戲沒世思
曉風霜鐸響威遲異吉行龍馭何日返萬姓盡吞聲

余於己巳年八歲隨先人之槐山任所後四十

三年辛亥適縮上黨之符因事來過周覽郡署

依如昨日俯仰興感聊賦一律

辛亥

月明華柱鶴翩躚一夢槐安四十年繕廨民今歌芟

舍政事堂先人所重定時際裁荒不煩民力民到于今頌之銜哀吾已泣灌阡梅

花東閣皆陳跡舊有玉梅一株篠竹數叢今皆無矣萍梗西河摠宿緣

西河顧山古號亦先人曾莅地年前宦遊關西迂道歷覽老樹龍嵒應識我垂髫

當日戲鞦韆內廡北有老槐

邵亭詩稿

卷二

次韻答公山安通判

膺壽

金池閔明府

種洙重

陽寄示兼呈壽田洪三斯青陽宰金經臺索和

園松含翠菊垂黃衙罷庭空鴈鴛行縱有舟車無可

載仙樓樽酒作重陽

襟懷疎朗慕羲黃爲惜風塵吏一行記取公山通判

句畫船簫鼓作重陽

臥擁鈴堂紉被黃眼中蘭玉儼成行記取金池明府

句翛然琴鶴作重陽

黃房紅綴栗毬黃門外清溪柳數行借問壽田老居

士載將何物作重陽

文章奇氣軼蘇黃，升載論交折輩行。借問青陽賢太守，載將何物作重陽。

夏日與洪蒼窵

遠燮

李友石

豐翼

兩承宣遊僧

蒲臥伽寺

癸丑

途來

各士

題

李友石

兩承宣遊僧

題

峰巔巖罅拓弓庭，勝地伽藍護百靈。下界浮生迷醉

夢土，都雄鎮按圖經。虛堂夜久泉聲冷，古洞秋生石

氣青。詩境已圓茶候足，鬢絲禪榻睡初醒。

金盞

志願寄驢李星交侍郎戚兄

立緒

奉使入燕

曩飲郊西餞，相看鬢髮衰。中原方警急，東使又驅馳。積雪遼河晚，寒烟碣石遲。北風吹駟騎，書盡又新詩。

邵亭詩稿

卷二

三

驢玉壺入燕

劍橋昔日入燕都，昨又郊西餞玉壺。多媿蓬桑四方

志，祖鞭輸與兩迂儒。

兩帆神契廿年餘，歲歲星槎遞尺書。樽酒金臺如問

我，衰慵日與世人疎。

收羅詩札入裝池，愧荷先生愛下才。海內名公題後

語，煩君一一手鈔來。

兩帆裝余詩札卷後多海內諸名士題跋朴梧聖相國尹廐齋

承宣皆已借觀

日與

李友石

兩承宣遊僧

題

夢水部

如今不姓何

余現在水部

千里關河駟騎過，凍毫題句手頻呵。相思一夜梅花

夢水部，如今不姓何。

余現在水部

詩

問

青

問

贈雨帆

卅載論交未晤言鏡中雙鬢已霜痕契托機雲傳札

翰

去歲得令弟相圖書

詩從袁趙游淵源

尊會大父竹溪公與袁隨園唱和尊大人

紫亭公酷嗜趙甌北詩

使節差遲觀上國兵戈愁絕滿中原衰

年倍覺相思苦夢入燕山雪欲昏

乘舟訪尹石梧承宣

致英

甲寅

晴沙芳草路曾經意到孤蓬柳外停
謫逐儋崖窮海岳詩追開歷闢門庭
同岑合契堪千古隔水相望各一亭
晚計江湖差可樂何愁鏡裏鬢星星

和石梧

邵亭詩稿

卷二

四

臥看巢燕掠蟲還簾閣無風晝正閒
枕上迷離思友夢晚將殘
雨度前灣

倚山亭子枕湖湄日午緗簾四面垂
隔水君家知不遠
墻頭斜出石榴枝

兩兩沙禽曬翅飛
晚來新漲浸漁扉
苔痕過雨緣階上
自是幽居客到稀

秋夜和石梧

林螢一點曉光流
樓外高梧露滴秋
萬頃澄明成永海
中天月色滿空洲

和石梧秋蟲

霜痕封砌薜月影隱牆蘿村遠秋砧斷河傾夜漏多
聲淒如有訴腔雜不成歌耿耿渾無寐蟲吟柰爾何

和石梧秋蜂

秋草離離小逕深春痕如夢了難尋已成釀蜜謀生
業不廢排衙向上心同病那堪憐蝶瘦隨時詎欲學
蛩吟霜風賴有籬邊菊遲暮繁華又見今

洪海士知府

翰周

宅小集拈韻

寒風十月倉山道一樹梅花媚晴昊主人青眼欣相
迎爲言託契苦未早座上客盡瑚璉姿連城寶價噪
當時繹絡珠璣迭酬倡便將臭腐化神奇縞衣仙夢

御亭詩稿

卷二

五

動高興清宵明月詩爲政近局文酒足風流羊求日
日來三逕我從今歲棲林阿管領湖山樂事多閒來
經濟剝霜粟老去襟抱付雲蘿此世誰能識真趣素
心惟君堪與語明朝歸臥釣一竿指點烟波鷺沒處

卜築

鷗波浩蕩杳難蹤卜築蓉江第一峰可是峻嶒撐傲
骨不堪亂敲抗塵容垂綸月下乘孤艇行藥林間倚
瘦筇擬作湖山終老計小園手自種新松

綏陵遷奉輓詞

乙卯

協帝重華舜追王達孝周匝域於戲思星霜廿六逾

阜議叶 宸斷 玄隧奄復開伊昔朝 陵路秋風
草樹哀

青襟會昵侍廈旃講灝噩白首閱滄桑攀輻雙淚落
金華亭與玉壺太虛上人共賦 丙辰

數架茅亭傍水涯公餘日日便爲家清流穿石疑禪
唄醉筆題詩雜判花小麓彎弓開洞豁遙岑抽笏隔
林斜一谿冰雪消融盡苔髮春來漲綠加

夏日金石居承宣 基續 尹學丹 致璉 來訪

風樓夜久敞虛明垂柳汀洲鷺夢清山榭月來移竹
影水村燈落送鷄聲羊求開徑延三益芋栗收園足
邵亭詩稿 卷二 六

一生詩格禪機同妙悟縱橫醉墨麥光平

秋日徐雲臬進士 有英 來訪

客至湖園日秋光晝裏生天霜聞鴈過江雨見舟行
酒熟黃花發谿深赤葉平荷君勞遠訪詩句寫幽情
九日分韻同雲臬作

我家湖上閒閒十畝園裏收栗門前暎柳嘯傲其間
圖史左右奈此幽獨離索日久秋水蒹葭永懷良友
適然肯來欣握雙手何以娛之樽有旨酒茲會難緩
其日雜九

冉冉歲云徂白帝按金律湖上闢一園水木明且瑟

天畔羣鴻征樹際孤帆出境僻謝塵喧幽事諒非一
文史樂餘生聊復安吾逸好友忽相訪談笑展歡暱
披心絕畦畛等身富著述樽酒賦新詩筆勢風雨疾
采菊嗅芳潔晚契訂共密與君期白首百年如今日

上元雲皋來訪分韻共賦

丁巳

上元條風拂面輕江村柳色已春情茜裙女兒年二
八橐橐籬邊楚板聲玉輪團圓離海底何人列炬山
頭迎老夫強策下堦步夜久轉覺月華清唱和詩句
酬佳節起余賴有雲皋生歸坐山房嚼烏飯殘梅枝
亞一燈明遙想金吾不禁夜都下士女連袂行終宵
御亭詩稿

卷二

七

珂馬喧闐地石欄一帶橋如衝富貴清閒各有致沈
沈曉柝隔重城君如識趣能更到小園三月花枝晴
酒酒名利場古今一塗轍之子涅不緇襟懷介而潔
相對輒欣然坦無畦畛設佳辰屬元宵月出山之缺
樽前梅韻浮江上冰華結幽興浩難禁頓忘衰且劣
行樂須及時流光同一瞥妙句擲金聲清談飄玉屑
俗子那知此湖山自怡悅願言謝塵纒閒盟鷺如雪
五月廿三同雲皋朴社皋承宣

承輝

舟下幸洲

一宿而還

輕舟搖漾下晴湖海口青山近可呼舊約丁寧方始

踐今行真率未曾圖多年閒夢盟烟鶯後夜芳樽鱸
雪鱸向晚西風打頭急未曛能泊幸洲無

五月薰風初熟杏江村綠樹粧夏景攤飯高臥午夢
圓一架薔薇晝刻永巷柳忽聞驄馬嘶故人多意尋
幽境携手直上下江船長風破浪雄懷騁袖拂清風
五百間曾濶澄波三萬頃朗吟新詩和棹歌驚起沙
禽飛相並海門潮落晚霞紅點點青螺帆外影長年
搖櫓不暫停趁昏繫纜勝戰嶺主人烏帽足風流此
地年年來管領芳樽灑灑迭獻酬錯落銀絲魚出丙
到處不負鷗鷺盟江樓一宿三生幸準備火把看收
邵亭詩稿

卷二

網肯怕夜深風露冷

垂柳陰陰覆一村連江漁戶盡柴門晴沙細搨波紋
篆記取輕潮夜落痕

午飯巴陵縣暮泊杏湖汜潮落又潮生上下一江水
汀柳日亭午遊人四矚還樓危還似舫舟穩便爲家
野浪初生麥江風欲起花丁寧催理棹潮響捲平沙
森森海帆竿簇獵獵汀蒲葉齊一道清江十里浣紗
人住東西

打鼓蓼蓼發棹沙禽三兩飛迴西風一席帆轉無數
青山去來

昨日順流下今還舵頭轉滄洄水中央萬頃玻璃展
風景一何曠蓬窓四面捲濃陰覆岸曲芳綠被原行
立渚鷺一拳掠波燕雙剪盤鱸白銀爛樽酒紅玉輓
風急好借便灘高慮攔淺忽過楊子津粉堞稍可辨
此行非取魚幽興聊自遣名利不放人塵纒誰獨免
仙侶幸同舟一世知音渺平生癖山水此遊最其選
今行經宿返已覺冷然善歸泊臥吾廬小徑長蒼蘚
福泉庵雨中赴雲泉社臬之約

遙知闌闌裏不見此林間與客乘高屐穿雲扣短關
泉聲常入戶雨氣忽漫山記否蓉江上中流一棹還

邵亭詩稿

卷二

九

海士邀同人小酌太僕直廬限往字

鵲橋一雨洗塵埃荷花高閣迎秋爽馬曹即官癖於
詩別裁僞體日吟賞直廬無事邀親知雲泉社臬吾
所仰江上漁翁偶入城寓屋地近量以丈逢場數語
敘暄涼詞壘高闢公館敞是時困人牽龍來橫馳直
過弓庭廣龍文虎脊入新評三昧詩家滂已往漢魏
樂府繼風騷天馬籟雲遊跌蕩唐宋作者規度嚴歎
玉掄金立御仗千里常有古所云樓指當今誰嗣響
諸君駿逸空冀羣批竹尖銳夾鏡朗我才鈍蹇困鹽
車十步九躓峻坂上八坊六廐摠詩境非馬喻馬理

無兩大醉騎馬似乘船湖月更證盪雙槩

集文選四言詩句寄贈李青士星使

維謙

告訃

之行

馮相告祓

椒塗弛衛緬彼行人指日遄逝涼風振

落天晷仰澄騰軌高騁載寢載興凌厲中原惟道是
仗旣往旣來寔靈所貺昔子忝私其馨若蘭一別如
雨慨其永歎嗟我懷人如渴如飢何以贈行言授斯
詩

二月七日雲臯社臯洪原泉承宣

希健

來訪

戊午

蓉江之水流浩浩二月峭風春色早不見麗日薰林

邵亭詩稿

卷二

十一

花尚有淺雪棲庭草洛社親朋留佳約門巷已遣山

童掃向晚剝啄忽驚夢主人下堦屣幾倒樽酒相對
青眼開遠辱多荷惠而好高燭仍作竟夕歡隔竹聲
聲茶臼搗隱淪吾已尋鷗盟淹雅君能談鴻寶一夜
文星帶草堂滿眼珠璣騁雄藻清典怳若游閬苑幽
境肯受塵世惱苟使餘生如今日百年我將不知老
乳水從此敦宿契芝蘭馥馥襲襟抱詩成大笑出門
望曉天明河橫一道

君不見徐子嗜詩偏好古滾滾長篇殆今所罕覩逢
塲輒遭皺眉苦心折推君作盟主餘子碌碌無足取

搏摶俚語牽且補在昔有若韓吏部杜工部千載誰
能接其武社臬原臬忽地遠訪湖上塢胷中錦繡絢
爛入纂組括唐宋而爲七包漢魏而爲五脫口千篇
日未午臨風一讀暢音吐直造神境關門戶君今遇
此勅敵鏖戰共仰俯東西欲割鴻溝土我從壁上觀
之欣然笑掌撫此事真堪資談圃是時二月鳴鳩拂
其羽江鄉柳色初過雨渺渺望長浦願言贈芳杜對
此佳境筆勢尤覺飛且舞兩邊墨壘相向整旗鼓詎
料荒僻此衡宇一日頓見文星聚自顧鈍根下劣何
足數惟以諸公鉅什奉作平生之規矩吁嗟乎孰將
卻亭詩稿

卷二

七

此卷上之天府鳴國家盛傳樂譜

原臬招同雲臬集清風堂限玉字二十韻簡寄

社臬江界任所

遙遙復遙遙千里飛黃鵠求友谷鳥嚶樹陰正綠縹
佳節端陽近良讌清風續荷錢已展圓蒲劍初抽綠
感茲時物變山川杳盈矚把酒悵彌襟往事來振觸
蓉榭飲弧筵棉廠和驪曲歷歷尋舊夢塵篋堆詩束
祇恨一人少詎云三士足所思在遠方欲贈案青玉
吟就停雲什硯池鶴眼浴詩尾繼札翰名字次第錄
題封付阿戎丁寧申誠囑想君開函日官閣燒椽燭

戊火明列幕朔風吹高蠹燕領按亭障馬卿喻邛蜀
期月政已成文學化荒俗裘帶應多暇佇待覆書辱
何時共此席更對商雒局黷江天一涯西向巽樽醪
原泉宅同青士雲臬小集拈六一韻

秋風一夜簞如水頃刻頓忘三伏蒸奇峰已散火雲
赤瘦骨漸露紫閣層是時雅會崆峒宅對酒賦詩君
所能羨他健筆扛九鼎雲霞滿幅蔚而興愧我拙澀
風斯下有如蠅竅鳴蒼蠅雖然詩者小道耳無異角
技論負勝一段真心磨不得直以性命視友朋金穴
不願富以潤雲衢不願騫以騰保身莫如存樸素處
御亭詩稿 卷二 七

世莫如戒驕矜平生志業苦晚晚兩鬢霜痕歲月增
俗雖澆滴可回挽道非高遠可躋升致澤初心妄自
許期使斯民三代登晚歲通籍旅進退居然衰相日
侵凌人間六十無多算祇恨蔑蔑無名稱差喜今與
諸君飲面目俱無俗可憎

重陽後二日雲臬原泉來訪共賦

落木滄江上孤鴻響遠霄湖光翻日閃秋氣挾霜驕
晚竹鳴空砌寒花覆小橋一樽聊遣悶相對鬢毛凋
汀柳蕭疎暮烟鎖霜月初上海之左百尺樓似泛仙
舸林外點點見漁火對此清興浩無那與君忘骸傾

白墮堆盤頰虬柿幾顆散砌金錢菊數朶案上古硯
圓而檜蘸墨題詩句法妥雲句綺麗花婀娜泉詩適
健松礪柯在前堪愧糠粃簸顏唐衰筆邵亭我半生
塵繼多碎瑣有如同浴譏其裸局促安用并裏坐天
地視以一果菰登高能賦大夫可一抹燕山青只麼
憶昔少壯日從師負藤笈九流窮鑽研百家恣涉獵
嚶嚶妄自許唾手樹功業濩落無所成對鏡二毛蝟
即潛凡幾載晚始雲梯躡金貂豈不貴卿月班已躡
迂拙卽天性疎於世俗涉揣分甘澹泊詎忍遠城堞
緬慕司空休常愧終南捷水木清華地風景管且攝

邵亭詩稿

卷二

三

一曲水縈迴萬重山層疊洞中起亭榭林末見舟楫
種果等美庄栽花當愛妾夏僻少逢迎朋來意乃愜
佳節輒相從詩篇滿塵篋九月霜華結山屋輕寒恻
青天聽遠鴈黃花憐瘦蝶多謝雲與泉十里移步履
空谷喜覓音驟然開笑靨佐酒網鰕魚烹茶燒榭葉
室中無塵雜剪燭鋪白氎邃學游漢宋古硯評端歛
健筆盤硬語詩令險韻叶雲泉老公車一生困括帖
骯髒不作愁了無見眉睫原泉千里駒籟空步躑躅
達宦閉門居日夕芸香泥西淵一迂儒朱門幾彈鋏
年衰詞益壯丹光浮兩頰忽憶社臬子邊山秋薜蘿

名士埋俗曰心神疲簿牒多恨青士翁負約書一摺
倘得同此席庶見奮髻鬣把樽悵如失盍簪欣相接
行將乘河槎松杏覽舊劫金臺歲云暮交結燕趙俠
歸來營菟裘兩岸桃花夾高歌白石爛薄採紫芝燁
隣屋從夜績山田餉午饑與君詠 聖化堯階開瑞
莢

渡江

翩翩冠盖入中原翠幕江頭飲別樽衰草燒痕微辨
路寒林暮景遠疑村平沙列戍紅堦出老樹祠神素
楮翻借問鬢陽何處是青烟一道隔山昏

邵亭詩稿

卷二

十四

遼野

行行遼野遠孤客四望迷萬頃原田濶一行村樹齊
半生知海大此地覺天低夸父何須逐東昇卽沒西
上天包大地縫合不容絲問水流何處看山定幾時
曾襟元坦曠世路豈傾危車上鞭竿豎遙疑帆影遲

瀋陽

瀋陽兒女滿頭花雪白雙騾駕繡車路遇朝鮮年使
至琉璃罩眼暗窺些

赤狐裘子倚車箱手裏鞭條丈許強鳴鐸羣騾齊首
去販將老米向遼陽

玉河館

翰軒歲暮入燕師劍筑如今問有誰四海茫茫知已
少玉河空作楚囚悲

奉和趙蓉舫尚書

光席上見惠之作次韻 己未

吾生海之左慕古慕中華暮歲膺持節清談接粲花
謙光照襟宇款契苑眉霞久矣瞻星斗今乘博望槎
泛泛蓉江舫華扁賁小廬 往余卜居蓉江介 奇緣符
大號神契托名書壯觀同河嶽清歌和笠車高軒過
敝館驚喜感無餘

附 趙蓉舫尚書原作

邵亭詩稿

卷二

五

蓉江名勝地水木共清華

君居蓉江有水木清華之園

籬舍看

排竹溪堂擬浣花閒情玩圖史高致屬烟霞定識

仙瀛近時登釣月槎

星旌雲外至垂訪到蓬廬愧乏吳興筆

元趙子昂書名播海

外光亦南渡後裔

叨尋勃海書

君曾索拙書園額用唐時貴邢乞書勃海男歐陽信

本故

通辭勞翰簡惠顧枉軒車文字前因在清言

樂有餘

君自謂蓉江釣舫中人與光別號適合

中前所

關柳青青塞柳黃一般春色費裁量不知湖墅橋頭
樹深淺如今較此強

瀋陽歸路

渾河二月水洋洋釣得鱖鯉數尺長賣與朝鮮厨子
去咸豐重寶百錢當

圍牆纍甍屋無樑日日驢車載糞忙塞上沙田多瘠
薄春來猶得種高粱

赴市村翁鬢髮星掛驢錢弔買魚腥新春擬課兒孫
讀更購新鑄三字經

北而南折繞歸程裨海如環水一泓我與春鴻同出
塞從今人鴈若相迎

追和趙心庵

斗清

金荷屋

左根

兩相國唱酬之

邵亭詩稿

卷二

六

作

相國休閒地湖干闌一堂花香賭棋墅草色夢詩塘
林徑通園曲帆竿上檻長近隣叨末契瑤軫奏峨洋

金琴麋郎中

相喜

邀同洪芍玉李石農

鍾愚

兩

尚書申韋史

錫禧

洪悠齋

鍾芹

兩侍郎徐圭庭

承宣

承輔

小酌

五月新荷飲碧塘竹林勝事游前芳名卿車轍傳呼
盛貴主門闌積蔭長老去江湖多素尚古來文字有
真香翩翩副墨裝池重紙價終看踊洛陽

徐竹史知州

兢輔

宅遇蒼叟雲臬朴尚晦學士

臣圭 共賦

偶爾來蒼麓非關避赫暉虛堂親友集永日俗塵稀
濃綠常侵戶晴嵐欲撲衣願言移此席湖月一船歸

葉潤臣 名禮

敦夙好齋集卷首有吳稼軒

昆田

題辭二詩次其韻寄稼軒以志人琴之感

庚申

案上水心集延陵有題詩詩格與友道字字感人脾
臨風數回讀掩卷獨凝思去年潤臣宅接君湖海姿
談笑抒情素細酌玉花醺風流倏銷歇一笛山陽悲
知君亦念我萬里共嗟咨

哀筑響金臺風義一何篤誓同雲與龍上下相馳逐

邵亭詩稿

卷二

樛月夢忽驚人事遷陵谷知已在一言懷緒多振觸
淚墨綴誄文遠托西飛鵠溢譽感彌深苦衷辭愈蹙
寄語稼軒子代致芻一束

初夏雲皋申玉坡進士

弼承

來訪

細簾午日睡騰騰風送殘花撲枕稜轉覺飛揚同栩
蝶忽驚剝啄得良朋竹侵詩席朝抽筍柳罨漁村晚
曬督鷗鷺閒盟吾已久晴湖如鏡十分澄

一庭柗樹翠幢幢小巷人來吠老猶直上高樓無別
語共看鷗鷺浴清江

湖園櫻筍節有客叩柴關詩結多生業琴消永日閒

千峰當戶列一水抱樓彎林鳥將雛至江雲帶雨還
塵心聊共滌綺語不須刪此地堪招隱與君賦小山
睡起雙扉啓晨鴉已盡飛遙看林木外稍稍散晴暉

七月十三曉記夢寄程容伯少卿

恭壽

曉色微分湖上塢臥聽瓦溝鳴殘雨衰年困懶覺還
眠驀地莊蝶飛栩栩忽見容弟麥戶入驚喜欲狂舉
手揖相思千里輒命駕誰道古人邈難及薊門路接
柳條邊意到儘可馳一鞭此疆彼界嚴防限問君何
能渡江船君言行到馬訾渚大尹聞之不相阻關河
迢迢無障遮所以直抵清華墅我言日下見君時每

邵亭詩稿

卷二

六

藉筆翰通音辭今來酬答應如響快心快事無過斯
君言官話多舛盞對面聾啞疑雲翳大抵華東韻多
諧子母反切推其例談塵次第開素懷喚醒窓外山
鳥嗜座上尚有餘香襲矇矓眩眼手頻揩去春燕館
忽忽別幻境今又驚一瞥恨不穩着四脚棋攄盡胷
中之蘊結會聞敏惠證心期行至半途迷不知君我
交契軼於古殊方識路亦云奇又聞古有古莽國覺
非夢是以爲式於今苟作如是觀夜夜良晤從可得
君亦此夜同夢不天涯地角思悠悠詩以微夢將遠
寄塞柳西風鴈影秋

呈張詩舲尚書

祥河

皇朝御宇二百年右文至化軼于前海內名士爭湊
集都門車馬日喧闐詞苑宗匠推漁洋後來磊落遙
相望揚扨古今親風雅流連花草愛景光近世鳧薈

陶特
郎樑

與詩舲一時壇坫共主盟忽驚柴桑春相輟仙

鶴獨自梳雲翎妙齡搖染才華擅家學遠游湖海傳
尊大人延庚先生詩選入湖海詩傳陪尾巒蹕東出巡載鵝圖成被

主眷

道光初公扈駕盛京有鸛鵝者載于駟裝被籬
帝顧笑自是宦游皆載鵝而行爲圖記之

落寒花有閒意壺天翠峰十二壁書壺天十二峯

詩人例帶水部銜老去格律窺奧秘公有同年曰蓉

邵亭詩稿

卷一

九

舫金臺尊酒互酬唱我昔奉使聞大名臨行恨未造

門訪歸臥湖園水木清千里燕雲夢魂縈意欲少酬

識荆願煩乞蓉翁道深情縱橫健筆凌雲勢閩橋柳

蓴供守歲見寄除夕二律有春盤閩
海橋家饌柳湖蓴之句 戔尾跋語獎飾

多海東先後得心契秋公手題除夕詩後曰往余與金
雅先後輝映余何幸而得心契於其間也 程弟家本

在古杭仲子爲公玉潤郎豈徒翰墨奇緣托謂之親

家亦不妨暮雪寒江驚歲晏長篇聊以代羔鴈臨風

遠寄心俱馳一枝嶺上梅花綻

寄孔繡山閣讀

憲彝

繡山宣聖之苗裔含芳吐潤通六藝東塘已遠驛軒

亡東塘名尚任驛軒名廣森近世孔門中最知名斯文一脉誰能繼昌平舊

里闢新堂古今經說盡度藏繡山新築致經堂造端闔門得

內助札札機聲繪學紡德配方宜人致經堂我昔歌筑游燕

市邂逅水心托知己撰次談記獎飾多清肅雅摯推

君子中秋噩夢黃公墟魂斷江漢歸舟圖潤臣有江漢歸舟圖

滿目兵戈音信絕楚天一望心煩紆稼軒午橋張君丙炎

返邱壑楊子汀鶯傳第遠赴莘農黃總督贊湯暮風流銷歇倏

東西有如晨星之落落虎坊久要只有君豹直畫省

爐香薰韓齋高義篤於友青天騎龍氣噓雲繡山一號韓齋

邵亭詩稿卷二

三

有太白青天騎白龍詩意畫卷莫恨前春交臂失謀面不及心契密

君乃故人之故人喪朋得朋筮元吉重持玉節朝紫

宸見君如復見潤臣况是平生誦夫子何幸獲與後

孫親萬里神交喜同調炯然一點靈犀照若使亡友

死有知泉臺聞此應含笑湖園梅萼弄晴妍驛使西

風寄短箋有朋自遠不亦樂為讀魯論第一篇

寄贈申海藏尙書錫愚赴燕

昔聞張水屋燕市遇松園海藏外祖金公俠藪層雲起朋樽

古義敦風流銷歲月文字滌淵源宅相今持節逢人

訪後孫

翠微賢太史

海藏從叔

心契托春帆

一號雨帆

與我修僑札於

君證籍咸神交違會合仙路隔塵凡果巷遺孤在相

逢淚滿衫

新春原泉宅小集拈升庵韻

辛酉

青陸回陽律舒晷散凝沍嵐浮戶外山鳥語園中樹
不待韶光爛已覺愜情素况我年六袞頽景垂遲暮
此生如寄耳一日難虛度比歲臥漳濱心目無所寓
夙抱麋鹿性久埋蟲魚註近接日下信大沽尙列戍
排悶苦無術林園時獨步春泥困輿丁昨入城市路
獲與二三子欣然展良晤雲社亦白頭劇談肝肺露

邵亭詩稿

卷二

三

主人足風流樽酒畧辦具吾輩文字飲拈韻詩共賦
擾擾塵寰內幾人識茲趣功業違吾志富貴非我慕
心已薄宦情口豈談時務暢懷豈在多我欲隨其遇
乃知善者機誰見伯昏晉回憶少壯時邈若遼古滌
今日縱歡娛來日又成故行樂須及時此意君能喻
弧辰未滿旬願子惠而顧小樓俯晴江臥看孤舟渡

二月七日雲皋社泉原泉來訪

郊居少塵事衰懶兩相宜江色生高閣春風入小詩
諸君同老大此地久棲遲一月園花發樽前更置期
山家春日如年少滴滴輕嵐晴入眺柳韮弱線浮遠

暈鳥轉圓吭變新調客來樓上風捲簾倒影湖光盪
夕照鶴飛一曲湯餅筵笛聲寥亮生虛竅珠璣錯落
滿華箋硬語盤空詩入妙座上盡負當世名草堂一
夜文星耀眉頭空攢杜陵愁口中欲發蘇門嘯仙源
路迷舟難入宦海波驚頭已掉衰朽無望需世才只
堪長把蓉江釣擬與友朋送餘生芳樽更待園花笑
竹氣侵殘夢江樓曙色微塵寰良會少衰老故人稀
岸草離離出林禽稍稍飛更將一樽酒客子未言歸

任荷漪尚書

百經

宅小集

梅雨琅琅鳴澗石客到林園苔印屐綠蘿小屋碧荷
芡亭詩稿

卷二

三

孟主翁款洽風流劇我和郢門白雪歌君卜謝公青
山宅是時佳節過端陽堦前稗筍森抽戟烏雲帶雨
晝沉沉一簾樹色濃陰積座上孟樽互勸酬樽金美
酒傾琥珀香浮茗椀烹瓊芽雪堆繪盤斫玉尺詞垣
鼓角詩令嚴宏篇窄韻遭一厄撚斷霜髭愧鈍根苦
吟屢被相促迫諸公直漉正始音下劣魔障盡黜斥
筆下驚看起雲烟名章絡繹花箋擘蘭亭稷事幾千
年感懷應同今視昔金爐香縷盡成灰點點林鴉山
日夕不覺酒樓已上燈穿街歸去風滿幘

騎省直中簡原泉

安仁曾作二毛愁
衰暮吾今雪滿頭
籠鳥池魚多少
感湖山歸興不須秋

雨夜與李友石曹烟巖錫雨兩侍郎沈荳石膺

非雙秦朴錦鈴永輔曹荷上錫興三承宣趙蘭西學

遊挹清樓

老來顏髮已全凋
猶喜風流未寂寥
山雨滌襟渾忘
暑江風拂袖欲生潮
壯遊歷歷從頭算
曉月依依舉
手招一枕初回盟
驚夢茶烟起處拾殘樵

老柳

西風禿髮帶黃昏
送別多年已斷魂
朽腹蠹生淋雨

邵亭詩稿卷二

點高顛鴉集薄烟
痕新聲笛怨防秋
壘舊夢帘飄賣
酒村向晚漁人將繫纜
江流漲落出霜根

壽玉壺周甲

少時文酒屬前塵
彈指光陰四十春
歷數追遊誰健
在除君與我更無人

中湖雅謔記丁寧
趕逐令人不暫停
此日語君休挽

我要須立脚貼如釘
中湖長余一歲嘗戲余曰因君
趕逐我輒增齒余答何不立定

脚跟使我無進步處相與一笑
中湖已矣爲玉壺誦之一

壽雲泉周甲

雲皋之壽辰與坡差一日
誰贈松鶴圖
寥亮南飛闌

平生詩萬首名足傳於後回看肉食輩死便草木朽
何人擁萬貫何人空一杯問孰主張是安能無憾哉

周甲前四日省謁禮阡有感口占壬戌

行年過六十綿薄詎會期種樹皆成拱垂髫已作絲
劬勞報何日致澤恐無時一夕瞻依近猶堪慰所思
灌阡濡雨露怵惕意難安何止三年愛未供一日歡
衰仍爲學廢拙奈逐時難具慶渾如昨居然一朽殘
耿耿難成寐銀河曉欲傾春江流日夜燈火照平生
悲切黃墟夢憂深漆室情更將羸博淚嗚咽到天明

荷漪社臬原泉雨中見訪

邵亭詩稿

卷二

言

林間客到鳥先知驚破風樓午夢遲潑墨水雲開古
畫洪濤山木入新詩運租船泊鷗同泛沽酒人歸犬
亦隨幼子童孫供飢餒不須聰慧學鷄碑

曉來新漲到柴門過夏園林長竹孫千樹積陰圍客
夢一簾飛雨洗詩魂遙山半沒看疑嶼小艇平浮認
卽村不意衝泥勞遠訪欣然樽酒飲長昏

七月旣望與荷漪雲臬社臬原泉舟上夙夢亭
待月而還

沿江村柳一行青暝色蒼然起遠汀積潦乍收餘舊
漲殘霞初散已疎星孤燈出樹分明見柔艚乘流不

暫停少待東山明月上清簫許與洞龍聽

赤壁賦集字諸公分作各體

壬戌之秋也滄江浩風露蘭舟泛虛明簫響流清羽
我生於東海千世空懷慕縱棹何所止長江渺莫滌
觀水而問月幽抱且自訴共子托知音逝將如山固
樂哉屬樽酒可與蘇仙遇扣舷聲相和吾詩亦一賦
趙養亭尚書得林 招同蒼窵友石菑石集清水

別業

風吹夕靄散重巒臥看松梢湧玉盤相對諸公盡垂
白行尋小閣忽流丹林紋凌亂疑浮苕瀑響喧厖欲
卻亭詩稿 卷二
泛欄鴉軋雙槩前夜月晴湖十里露華團

病枕書懷

平常身健時恬若固有之及到得病後其樂始乃知
年年涼風至輒有采薪憂非獨衰相侵志士易感秋
草蟲亦天機時至鳴不已胡不鼓春和凄切涼宵裏
日日秋陽曝百穀實而穎上天篤斯民豐儉在俄頃
惟診已四年札瘥幾萬數金丹解壽民爲誦貧舖句
開局講三政萬民胥延頸將何遂其願中夜憂心炳

集原泉宅

萬里無雲鴈影悠滿天霜氣晚來稠共歎社友如星

散還惜年華似水流琴裏小山叢桂隱鏡中衰鬢菊
花羞池荷早見田田葉敗折如今不耐秋

壽社臬周甲

壬戌秋九月日維廿之七社臬回舊甲盛讌中堂設
親鄰競相賀子孫儼成列南山翠映學菊釀芳且潔
卜夜邀社朋看待示優別荷漪伴原泉隣巷結車轍
我從湖上至雲臬亦杖屨脫畧共忘骸欵曲仍接膝
堆案供飭餽疊疊展歡暱釐詞一何富爛然縹緗溢
靡不善頌禱安用更贅述記昔春之仲賤齒開七袞
君贈一鉅篇其文乃言曰學以同道合友以同志密

邵亭詩稿

卷二

五

况復同甲子其好難究詰同聲又同氣譬如磁吸鐵
緬滂汴宋世元豐歲在戊洛社會者英羣彥皆皓髮
君我降是歲思與古人匹題名西樓帖祝君踵先烈
我亦廁末光故事徵君實且將屈指俟十年同一瞥
吾言不外是櫟枯韻以綴抑惟有進焉請君聽我說
他日杖于鄉上章乞骸骨携手歸田園耕鑿安吾佚
析疑披床芸扶衰餌山朮茅屋夜夜夢珂馬朝金闕
筮屐日過從與子期大耋諸君知其狀此詩神可質

南軒卽目

庭樹秋風高槭槭起寒響落葉戀舊枝低回復欲上

贈張午橋編修

丙炎

借其尊大人石樵先生味

真閣集中韻

往歲膺專對驅車入帝里槃敦盛文譙郇饌一何綺
把酒激斗膽論詩剔神髓四座筆如飛談屑盈幅紙
堂堂午橋子新交斯有喜圭璧以束身經史爲標指
貽我石樵集家學世厥美醇醇根性情力追三唐軌
真意行其間大化漠無宰更贈扇頭畫義遠舉類邇
翠鬣挺千尺喬松庶可企風流易銷歇雨別已四載
寒雲覆古關明月照滄海鱗域傳金帖頭銜詞苑改
黼芾賁治化鸞鳳振文彩惠我以好音飛書度馬訾

邵亭詩稿

卷二

七

眷言敘阻濶故人心尙爾葉公

潤臣

沒杭眉馮君

魯川志沂

守楚尾以孝殉其母哀彼楊氏子

汀

于戈滿中原王

室嗟如燬杞國憂方切暮笛復驚耳何時重握手樽
酒澆礪礪深情托毫素字字相連纏驛梅千里夢燕
山渺凝視

送朴錦舲副价赴燕

寒天脂牽向燕垆枕北巫閭馬首青遊嶽政須婚嫁
畢襲勲追頌鼎彝銘才能覘國推專對詩已成家有
典型緣送君行多振觸宣南春樹暮雲停

悠齋與其伯氏芍玉招同海藏韋史趙晉齋侍

郎在應趙玉垂知縣冕鎬集伏波亭

驀地空明破夕昏寒江積雪月留痕文章並擅東西
屋烟水平分上下村歌奏峨洋新度曲詩追漢魏另
開門乘流共證來春約出地蘆芽綠遍原辛酉
兩家分占讓東西十里追尋屐印泥冰雪嵯峨侵戶
冷星河錯落下樓低人歸講幄朝天路詩入漁舟隔
雪溪少待春江煙水濶筆床茶竈共提携

偶題

厨下寒無薪園中斫栗樹不識明年秋毬房減幾數

養亭宅同蒼窵藍石友石趙蘇堂侍郎雲卿洪

邵亭詩稿

卷二

天

蓮史知縣秉禧小集

一代詞宗竟屬誰高樓文讌集朋知那堪老大逢殘
歲歷數追遊自少時芒角無端生酒肺梅花多意入
詩眉汀蘆取次抽新筍伊軋湖心櫓兩枝

元朝漫詠癸亥

致澤違初志鏡裏生華髮歲暮滄江上心猶懸魏闕
我已周一甲復從一二數近喜抱一孫算年同厥祖
有子遊庠序有孫學拜跪老夫吟詩坐冗瑣都不理
經聞春節早元正煽微和已看鳧與鴨拍拍弄晴波

送李藕船尚迪隨陳奏使赴燕

記昔征輶與子俱那堪此日唱驪駒衰年靜養拋塵
累異域賢勞辨 國誣三月飛花迷白塔一聲淒笛
愴黃壚都門槃敦應如舊誰作琴樽第二圖

暮春雲臯邀同蘇堂荷漪社臯原泉圭庭集于
城南之滌宮直廬

城南解署喚春回無事郎官日上臺景麗儘教詩易
得俸清猶見客頻來園深花氣衣全襲山缺湖光眼
忽開此去我家相望地堦前莫使沒蒼苔

諸公皆還獨與原泉留宿

送君城底路離緒入清吟晚景花生暈春天月有陰

邵亭詩稿

卷二

元

興餘誇筆健境絕話燈深定識今宵夢迢迢兩地心
滌宮同原泉再集

相逢樽酒發高歌潦倒卽潛奈老何我住滄江塵事
少君垂白髮雅懷多官閒坐送三春盡境僻時看一
鳥過前度桃花猶爛漫如今穉綠纈簾波

滌宮初夏同原泉留宿

湖上與城裏距茲俱不遙此樓曾共宿吾子屢相招
詩句移宵榮鷄聲度曉橋牧人驅畜去 廟禴卽明

朝

翌日蘇堂荷漪社臯李鍾山侍郎

參鉉

亦至

一枝紅藥殿餘春萬綠沉沉鳥語頻美酒逡巡聊遣
日名章絡繹解留人莊周化蝶蘩蘩幻柳絮爲萍種
種因從此徑歸湖上墅肯教城市染緇塵

壽芍玉尙書周甲

昔與公爲友芳譽屬綺年藤牋揮妙墨

少時求公書對聯作芍玉

墨戲歌

蕭寺和清篇

又有新興寺和詩

鳳沼新榮被鷄壇舊曲

傳不忘布衣賤又見錦洲賢

余久困公車舊交中先達不以升沈相阻者惟

公與錦洲故趙承宣秉憲二人而已

卅年困場屋薄宦愧棲遲不意青雲致相看白髮垂
彈冠聞甚喜推轂舉其知狷性猶如故滄江一釣絲

邵亭詩稿

卷二

三

無
弱齡曾善病况又藐焉孤心性多增益神明定護扶
四朝荷殊眷萬里展亨衢試問今筵酒公能夢到

記否前春酌湖園在八騶

去歲賤齒開七世多騰頌泰公在顧湖上

禱我自敘交遊契密情相勗神清氣更適懸車期異

日圖繪共西樓

滌宮秋集

秋日敞文讌山樓延爽氣舊遊春花艷過夢夏景畏
流光難把玩露華已凋弁署郎清不俗交結摠時貴
頽景劇風流冷俸幾多費江湖久離索幽情此可慰

池柳漸禿髮園果足醒胃巖泉清而冽瓶笙茶響沸
村火犬如豹沽酒人歸未滿座詩欲圓奇才軼凡彙
摘藻得妙詮酸醎味外味坐待山月上淒淒聽絡繹
數行野樹烟光積秋山紫翠澹將夕烟篆似潮繞几
青釭花如斗透簾碧迷茫夜色月上遲林外微分遠
水白歷歷清砧孤村迥沈沈寒柝重城隔古人有意
秉燭遊千金一刻真堪惜相逢樽酒不置期杖頭聊
掛錢一陌掃除人間萬斛愁良宵對榻話平昔桃花
舊夢杳如烟屐齒難尋印苔跡長篇短律共唱酬古
墨濃香生歛石願君速了卷中詩明朝應有追至客

邵亭詩稿

卷二

三

秋氣生郊署青山日漸佳燈將殘夢纈愁把小詩排
地僻涼侵戶更深月上階鳴蛩緣底事唧唧感余懷

中秋省禮阡路中偕荷漪行吟

拜掃嘉俳節篋輿後先行偏多霜露感深托友朋情
秋入山花細日翻野葉明鳳棲知不遠遙指夕烟生
秋日碧蹄路崩沙尙漲痕黃雲禾滿隴翠蓋樹當門
午店行人飯風林衆鳥喧亭堠渾不記吟苦惱詩魂

壽容伯六十

歌筑燕臺結弟昆筵開六十壽樽溫五倫究以朋爲
信三達原來齒最尊異域華箋飛遠夢小春梅蕊點

輕痕祝君從此祥和湊甲子明年值上元
追輓詩艸太保寄哲嗣蝶庵主事

騎箕仍在設弧辰薊鴈書傳淚滿巾四海詩名珠咳唾
三朝耆舊鶴精神喜將膏馥蒙沾丐恨未容儀
獲接親擬共賢郎敦世好翩翩仙蝶夢中春

扶山洞 甲子

苦雨支離十日陰今朝輿御入雲深追涼移席臨幽澗
搜古扶筇訪邃林文憲九齋修學業安和千載證禪心
曾襟到此清如許不遣緇塵一點侵

十月初三夜病臥嵩陽之籌筆軒夢陪荷漪相

邵亭詩稿 卷二

三

國會于原泉清風堂雲皋亦與焉苦吟覓句忽
不省第三韻詢之座中有一人手示古畫雪驢
小幅余恍然曰此橋字也僅構起聯而覺了然
在眼因足成之未幾余以浮謗罷歸湖上竟成
詩讖洵屬異事錄呈社中諸公

蕭灑吾家水竹饒歸來一賦政思陶夢中詩句誰開
閣畫裏梅花客度橋跨月宿疴潮共退薰天積謗嶽
爭高凝香燕寢清無寐臥聽霜鴻響遠皋

舟下伏波亭赴芍玉悠齋之約 乙丑

樓外晴江江外山孤舟晚泊一躋攀政宜高處消今

熱多喜忙中得此閒垂老故人留久約相逢勝地摠
衰顏文章吏部空勞想往跡肩輿踏雪還

滿江伊軋櫓枝輕高臥風軒午鐸鳴我欲消閒移小
艇君能踐約出重城登樓一賦詞人老詠史千篇估
客驚回首舊遊渾似夢琴泉海藏一號暮笛不勝情

湖濱芍玉城東別墅雅集餞雲皋出守宜春

林間留客颺茶煙離緒緜緜接遠天嗟我未拋臨水
釣問君能辦買山錢風回小澗鳴如珮秋入虛樓泛
欲船聚散存亾多感慨却思文酒盛當年

洪厚齋尙書在喆以多病故人疎分韻賦古體

邵亭詩稿

卷二

三五

五章戲簡兼示烟巖韋史兩尙書步原韻奉和
厚翁吾所仰五朝白髮多湖居同謝事黃卷手摩
挲經濟寓之酒日日飲無何

我愛烟巖子清羸而善病閱盡世路險瑤環晚景
時究攝生術芸帙床燈耿

韋史交卅載相逢共話故近纏鴿原慟疚損恐成痼
奇氣無處洩文章雜嬉怒

我性不諧俗江湖作散人小戶常窘飲招邀集近隣
但惜鬢如雪不憂甑生塵

交情日以篤世累日以疎劇飲投陳轄狂歌和楚輿

此樂堪送老我欲焚銀魚

朴天遊

文選

於詩可謂專門之學常所心折用

前韻賦贈

風雅遞以降作家一何多汗充猶云少誰能遍摩挲
另欲立一幟其如癡妄何

多師是宗旨餘事究聲病刻露見性情流連愛光景
禪家百千燈本自一燈耿

近人學韻語六義不知故擣搗應舉體浸淫遂成痼
邈矣康成婢解誦逢彼怒

天遊專門學此世一詩人撐腸五千卷爲客住西隣

邵亭詩稿

卷二

三

時與談律髓奧境析微塵

詩者小技耳非專術乃疎眼力窮書帙足跡遍圖輿
而後始下筆硯池出溟魚

除夜拜厚齋歸偶成五律以呈近與天遊講討

詩家聲調此篇拗體平仄一依少陵送遠

帶甲滿天

地詩又用四聲遞用法

我欲拜隣老沿籬扶杖行疎燈導窄逕寒漏出重城

歲月鬢已白湖山心共清笑談久不返今夕最難情

元日呈厚齋平仄依少陵暮歸

霜黃碧梧

詩體

丙寅

璇杓指東過一旬元日氣候喜清新砌篠玉森挺箇

箇溪苔翠活吹粼鄰年近七十苦衰病宅臨江湖稱
散人如今一事差可樂花發芳樽邀四隣

暮春與同隣諸公前江泛舟

扁舟搖漾大江東上下漁村指顧中的歷家園花正
發縈紆隣巷路相通違期禪寺欣乘浪移泊高艚巧
避風千載松陵誰倡和閒情自許古人同

次心庵相國韻

漫浪同休退何容賦遂初絕景當看畫清談勝讀書
年華過隙駟宦業上竿魚貧又逢春早山田不長蔬
送天遊歸豐德

邵亭詩稿

卷二

葭露寒江八月時紅夷礮響颭鷹旗感秋憂國無情
緒忍復臨歧話別離

寄董研樵檢討

文瀨

祖庭盛事荷深知借問從何見我詩
再從孫昌熙前冬入燕交研樵
歸時贈詩有曰歸向祖庭添盛事聲詩爲道補漁洋
且言僕慣聞令再從祖大名亦得見詩數章可知卓
然成大家中邦近年亦所罕見歸後
須錄其詩若干首以寄將欲刊行云
近日靜繙聲調

譜研樵著聲調四譜與君心契已多時

走筆呈厚齋

丁卯

往昔蓉渚村芳隣契朋好金貂互輝映玉塵恣談討
賞月樽常傾看花屣頻倒世稱唐代傑自許商山皓

永結鷗鷺盟畢生斷煩惱一朝風鶴警奔竄及輿阜
紅礮轟甲津白帆指寅堡厚翁奉恩綍撫諭遵海道
余亦同韋烟訐謀講楓棗桓桓鼎足戰一月櫓槍掃
携眷還舊廬園林盡枯槁井閭極蕭瑟來往惟二老
酒負菊蕊黃句吟梅花縞青陽逼除至春風今歲早
翁忽歸意濃鷗波萬里浩隻身形依影誰與暢襟抱
回想前日歡渺如隔蓬島同歸縱有願其奈乏元寶
取次百花開令人憂思燥三峰訂後約入雲劔靈草
同天遊賦古梅憶友石尚書

亂後湖榭門常扃親朋落落如晨星老夫離索無情

邵亭詩稿

卷二

三

緒鷗鷺宿盟祇眼青隣巷賴有天遊客詩家聲調探
幽蹟一樽共賞一樹梅單瓣淺紅高韻格此種移自

月沙祠昔從石農求得之中華鉅公以心貺流傳三

百年于茲

昔月沙李文忠朝京有贈單瓣淺紅梅者今種祠堂前余曾從石農尚書乞一本裁

中我忽因梅憶良友沙翁後孫今樞部翩翩冠蓋入

薊門更或有人贈梅否

友石判樞月沙後孫今奉使入燕

春樹舊緣

儘堪誇隴頭一枝驛路賒折花與君吟新什三月待

返銀河槎

厚齋將歸三峰詩以奉別用拗體

蓉江鷗鷺摠情含握手相看酒未酣勝事如夢固難

再病懷將離其可堪憂時白髮盡成雪娛老青山初
破嵐後約乘春携竹杖水鍾清響一古菴

次韻答玉垂見寄

湖上有四老追遊心契合杖藜伴漁樵樽酒娛社臘
亂後各流蕩索居等枯衲梅開香滿龕雪積冷侵榻
荷子詩以寄多情慰蕭颯盥薇讀屢回此意將何答
起看上元月江心漾玉塔安得與斯人良辰展歡洽
獨吟聊攀和衰筆愧蕪雜

元宵有懷厚齋

湖閣上元夜團圓月正中荒江惟我在清景與誰同

邵亭詩稿

卷二

三

兩地應相照前塵倏已空籬西樓一角盼望難窮

病中恭聞進講有命喜而志忱且試病腕

戊辰

聞道吾王御講筵微涼殿角漏聲傳老臣病臥漳

河側一念遙懸尺五天

病中遣懷

示病維摩詰禪機解者誰頽齡遲快復瘦骨強支持
試腕聊成字寓心不廢詩病根吾自識安用問庸醫
湖樓清曉月如霜積水空明苻帶長多賴病襟收瀨
氣蓬壺洗髓得仙方

病枕涔涔日抵年衰齡重疾久沉綿晚來忽地驚時

序林外初聞第一蟬

曉枕忽聽簷溜鳴
新篁葉葉玉琮琤
朝來試向兒童問
浮芥階前小漲平

衰翁病久不窺園
臥看庭柵翠滿門
山榭夕陰俄遍地
斜陽猶在鳥南村

孤燈耿耿不成眠
眼裏森羅七十年
憂樂悲歡都閱盡
湛然心界似枯禪

示弘集

汝年卅有七所食皆
君祿况又立于朝
今日身受

祿國祿顧不重古云
食人祿勉旃致澤心
無負太倉

邵亭詩稿卷二

三

祿



書後

余交邵亭先生垂十年咸豐戊午春始識君潤臣齋中君貌肅而神恬目短視談讌竟日粹然無倦容有古君子風踰年潤臣之官浙江當日同會者馮君魯川出守廬州楊君汀鷺橐筆遊汴梁吳君稼軒亦侘傺返里惟余以羈宦留京師君歲歲必寄書問訊聞葉君楊君之歿傷悼不自己且屢詢其後嗣然後知君之深於情也去年冬君錄所爲存春軒詩寄余余乃書其後曰詩以道性情三百篇楚騷大抵緣情而作也今世工詩者或揣摩聲調或塗飾詞句連篇累

邵亭詩稿

書後

牘炫其外而中無所有揆諸古人作詩之旨當不若是君學宗程朱不欲以詩人自命而讀君之詩雖偶然贈答莫不有真懇之情溢於文字之表異乎世之撫儼刻飾者君性恬退中年始以上第登仕版中間又嘗一罷官歸臥蓉江之上構水木清華園居其中日惟焚香讀書以自怡樂非有得於中者而能若是乎曩稼軒題君手札曰此東海君子也其詞雅其情真余謂吳君所言以之評君詩亦無不可且以見此非余一人之私言矣同治六年丁卯正月下旬儀徵

張丙炎撰



每本

